

9  
OSTENDITUR ÆQUITAS,

ET JUSTITIA SENTENTIÆ,

*Quinque abhinc annis, de mandato Sanctitatis Suae,  
à Reverendissimo Patre*

R A P H A E L E  
A L U G A G N A N O

Totius Ordinis Minorum S. Francisci  
Ministro Generali,

*Undè cum Patribus Diffinitorii generalis, Romæ existentibus, late  
contra Reverendissimum Commissarium Generalem  
Familie Ultramontane ejusdem Ordinis,*

Favore decem Provinciarum Recollectorum in Gallia existentium:

A FR. MARCO ANTONIO GRAVOIS

*Ejusdem Ordinis Diffinitore Generali.*



R O M Æ M. DCC. L.  
*Superiorum Permissu.*

OSTENDITUR AQUITAS,

ET IUSTITIA SENTENTIAE,

Quodammodo etiam in his  
et in his

R A P H A E L

A L U G A G N A N O

Tormentis et  
Tribulationibus

et in his  
et in his

A P R I L I O G R A V I S

et in his



et in his

1 **C**um ad manus meas ex improvise pervenerit supplex quidam Libellus à R. P. Eugenio de Olozaga confectus, ac in Hispania primò, & deinde Romæ typis mandatus contra me, & contra Scripturam, septem ab hinc annis favore Recollectorum Gallix à me exaratam in Causa prætensæ jurisdictionis Reverendissimi Commissarii Generalis Ultramontanæ Familiæ super eosdem Recollectos, quinque abhinc annis, de expresso Sanctissimi Domini Nostri feliciter regnantis mandato, decisa; conveniens, imò & prorsus necessarium duxi, non quidem sigillatim, & cuilibet articulo contento in dicto Libello adeò voluminoso, & spatio septem annorum concinnato, respondere, cum ob temporis brevitate, & gravissima Capituli Generalis negotia hoc mihi non liceat; sed ad evidentiam ostendere, æquivocis propositionibus, falsitatibus, imò & dolo refertum esse dictum Volumen: & nonnisi ad tramites prudentiæ, æquitatis, & justitiæ, à Reverendissimo Patre Ministro Generali, & ab aliis Reverendissimis Conjudicibus, anno 1745. judicatam & decisam fuisse memoratam causam.

2 Et primò, ipsum Libelli titulum cavillosum esse, statim deprehenditur, in eodem observando, Patrem Olozaga, simplicem Familiæ Secretarium, qui nec in Capitulo Generali votum habet, universæ Ultramontanæ Familiæ legem imponere velle, ut ipsa suas nœnias, & insubsistentes Scripturas Capitulo Generali præsentet = *Libellus supplex presentandus per manus Familiæ Ultramontanæ* = Ac deinde se in Defensorem, & Advocatum Recollectorum Gallix erigere velle = *Pro libera facultate earundem Provinciarum (Recollectorum Gallix) recurrendi ad eundem Prælatum Generalem*.

3 Suam postea incipit Scripturam idem Pater, factum, de quo tractare intendit, Reverendissimis Vocalibus exponendo, à veritate omnino alienum. Dicit enim, quod à me præsentato quodam Summario bo. me. Reverendissimo Cajetano à Laurino contra jurisdictionem Reverendissimi Torre Commissarii Generalis Familiæ, idem Reverendissimus à Laurino meum supplicem Libellum ad Reverendissimum Torre transmisit; & iste facillimo negotio, prompte, & magistraliter ab omnibus à me expositis se expedivit, sua jura, & rationes producendo per Epistolam die 17. Novembris 1743. Matriti datam: Quod putabatur, & ita judicavit Reverendissimus Torre, sedasse lites, contentiones, jurgia, & schismata à me excitata; at contra evenit, nam in alio Libello, intitulo = *Restriçtus juris, Et facti*, reproduxi meam chimæricam prætensionem, non novis rationibus stabiliendo, sed easdem jam impugnatas transcribendo, easque typis dando, & crepantibus verbis Zizaniorum semina sparsi, multa malè dicendo,





& nihil bene probando: Quod Reverendissimus Torre, paterno affectu commotus; *immutatus mansit*, atque *patienter expectandum ad tempus messis satius duxit*; & licet ipse vidisset, quàm aerea, somniata, & falsa essent à me allegata, sua maxima prudentia ductus, *illa denuo noluit impugnare*, ne ego, & alii pauci mei consortes, voce, ac nomine Provinciarum, lites moveremus, quæstiones induceremus, & Religionis pacem ac tranquillitatem perturbaremus. Utrum autem aerea, somniata, & falsa à me allegata, vel potius talia sint ea, quæ tamquam vera hic asserit Pater Olozaga, præsertim dum dicit, quod Reverendissimus Torre, visò meo *Rescripto juris & facti*, *immutatus manserit*, eumque denuò *impugnare noluerit*, sed *patienter expectandum satius duxerit*, sequens demonstrabit Articulus.

## A R T I C U L U S I.

*Quid in Causa jurisdictionali, inter Reverendissimum Patrem Torre, & decem Recollectorum Gallie Provincias agitata, peractum fuerit? quæve prudentiâ, & æquitatè, in totius ejusdem Causæ decursu sese gesserint tam bo. me. Reverendissimus à Laurino, quàm Reverendissimus à Lugagnano, dignissimus Minister Generalis Ordinis?*

- 4 CUM Reverendissimus Pater Torre varios jurisdictionis actus exercere incœpisset super Recollectos Gallie, supplicem Libellum nomine tum proprio, tum & plurium Provincialium, quorum Litteras ad hunc finem receperam, bo. me. Reverendissimo à Laurino præsentavi, supplicans, ut Reverendissimo Torre, aliisque Familiæ Commissariis pro tempore existentibus prohiberet, ne similes actus in Recollectos exercerent; ac pariter Gallie Recollectis, ne ad eosdem Commissarios recursum facerent, aut ipsorum mandatis obedirent. Supplicem meum Libellum Reverendissimo Torre transmisit, qui per Epistolam die 17. Novembris 1743. datam, jura sua, responsionemque dicto meo supplici Libello produxit. Communicatâ mihi dictâ Epistolâ, Scripturam exaravi, intitulatam *Rescriptus juris, & facti*, de qua Pater Olozaga loquitur in suo Libello numero 2., & in Summario ejusdem sub numero primo apposui meum supplicem Libellum, ac sub numero secundo integram Reverendissimi Torre Epistolam, quàm idem Pater Olozaga *Magistrale* vocat, ut omnibus appareret, utrum exactè, folideque contentis in eadem Epistola responderem. Dicta mea Scriptura cum Summario Typis edita, consignata fuit A. R. Patri Iduri Commissario Generali Curie, ut eam iterum Reverendissimo Torre transmittet.

ret; qui illâ receptâ, ac examinâtâ, alias iterum responsiones; aliaque jura coram Reverendissimo à Laurino deduxit per Epistolam 17. Februarii 1744. datam, quæ sequentibus terminatur verbis = *Hæc sunt, Reverendissime Pater, quæ mihi pronunc occurrunt, zelo, prudentiæ, ac æquitati V. Paternitatis Reverendissimæ proponenda, ad satisfaciendum objectis à R. A. P. Gravois. Vestræ æquitatis erit judicium ferre, meum in omnibus obedire.* Super contentis in hac Epistola, aliquas favore Recollectorum, peregi annotationes, & apud hodiernum Reverendissimum Ministrum Generalem insteti pro Causæ decisione; ipse verò rescribere dignatus est = *Admodum Rev. Patres, Petrus Joannes de Molina Procurator Generalis Discolleatorum, & Vincentius Antonius de Caprarola Definitor Generalis, videant jura, & in scriptis referant vota* = & ambo sub diebus 25. Julii, & 7. Augusti ejusdem anni 1744., visis & examinatis utriusque partis juribus, favore Recollectorum vota sua exararunt. Præsenti Summ. num. 1. & 2.

- 5 Die 1. Octobris, idem Reverendissimus Definitorii Generalis Patres, in Urbe existentes, congregavit pro Causæ discussione: qui cautiſsimè incedentes decreverunt, præfigendum esse terminum aliorum sex mensium Reverendissimo Torre, ut iterum sua deduceret jura; addito tamen, quod durante lite, & usque ad Sententiam definitivam Reverendissimus Torre à jurisdictione super Provincias Recollectas Galliæ exercenda se abtineret. *Sum. num. 3.* Huic Decreto obtemperavit Reverendissimus Torre, & die 5. Decembris dicti anni 1744. Reverendissimo Generali scripsit, quod ulteriora sua jura iterum transmittibat, à R. A. Patre Iduri præsentanda, prout de facto præsentata fuerunt. Quæ omnia non ignoravit Pater Olozaga, cum ipsemet documenta transmittenda legalizaverit die 21. Novembris, ac propria manu subscripserit. Quibusdam animadversionibus iterum à me super his novis juribus exaratis, die 6. Julii 1745. rescribere dignatus est Rēmus Pater Generalis = *Ad eosdem Rev. Adm. Patres, Petrum Joannem de Molina Procuratorem Generalem Discolleatorū, & Recollectorum, & Vincentium Antonium de Caprarola, ut jura examinent, & scripto votum ferant* = Et ulterius die 15. ejusdem Mensis = *Admodum Rev. quoque Patribus, Procuratori Generali Ordinis, & Procuratori Generali Reformatorum pro voto* = Tres primi Votum favore Recollectorum, diebus 13. 14. & 21. Julii exararunt. *Sum. v. 4. 5. & 6.* Quartus verò censuit, Reverendissimum Patrem Generalem non esse dictæ Causæ Judicem competentem.
- 6 Rebus sic stantibus, resolverat tandem Reverendissimus Pater Generalis, Causam unà cum Definitorii generalis Patribus terminare; sed ex improvviso comparuit R. A. Pater Iduri Commissarius.

Generalis Curiae, qui, ratione officii, de nullitate agendorum in scriptis protestatus est, si idem Reverendissimus ad Causam decisionem procederet. *Sum. n. 7.* Quibus à Reverendissimo visis, & auditis, consulere decrevit, & de facto consuluit Illustrissimum Dominum Tozzium Sacri Concistorii Advocatum, qui censuit, ipsum, attentis circumstantiis, judicare posse in hac causa; debere tamen à judicio ferendo sese abstinere ex lege decentiae, & honestatis, causamque ad aliud Tribunal remittere; unde, coherentem ad istud votum, die 23. Augusti. 1745. Decretum edidit, quo, fusè narratis omnibus, & singulis in causa peractis, designandam eam remisit ad Sanctitatem Suam, ut illam pro Sua Benignitate, auctoritate Apostolica terminare dignaretur. *Sum. n. 8.* Et exarato dicti Decreti duplicato, unum R. A. Patri Iduri tradidit, & mihi alterum; qui statim Sanctissimo supplicavi pro decisione Causae. *Sum. num. 9.* At Sua Sanctitas, sub die 11. Septembris propria manu rescribere dignata est = *Al Padre Generale, che col Definitorio termini la presente Controversia* = *Sum. num. 10.* Et eadem die Eminentissimus Cardinalis à Secretis Status Sanctissimi Domini Nostri per Epistolium Reverendissimum Patrem Generalem certioravit de mente & voluntate ejusdem Suae Sanctitatis. *Sum. num. 11.* In quorum sequelam idem Reverendissimus, die 20. Septembris, Definitorii generalis Patres congregavit, & unà cum iisdem, unanimi omnium & singulorum suffragio, favore Recollectorum pronuntiavit, exprimendo in sententia, prout verum erat, hoc ab ipsis fieri de expresso Sanctitatis Suae mandato. *Sum. num. 12.*

- 7 Ex hucusque dictis, quæ ex Actis originalibus constant, quilibet judicare potest, quanti roboris existimari debeat hæc Sententia, præcipiente Summo Pontifice, à Reverendissimo Patre Generali unà cum quatuor Officialibus Generalibus Ordinis in Curia Romana existentibus, & duobus Definitoribus Generalibus, tot præhabitis diligentis, & toties præaudito Reverendissimo Torre, solemniter lata, ac pronuntiata. Judicare pariter poterit, quibus oculis à Reverendissimis Capituli Generalis Vocalibus legi potuerint tot impropria, & convitia, tam contra me, quam contra hanc Causam, & jura à me allegata, in suo famoso Libello à Patre Olozaga sparsa, & disseminata; contra jura, inquam, quæ Reverendissimis Conjudicibus adeò clara, adeò convincentia visa sunt, ut ipsemet R. A. Pater Iduri, Reverendissimi Torre Procurator, non solum in sententiam consenserit, eamque receperit, & admiserit, verum etiam tamquam Judex tulerit, pronuntiaverit, & subscripserit. Abstini ego a dicto congressu, incongruum reputans, semel ac Recollectorum Procuratoris personam indueram, inter causæ Judices me sedere. Nec silentio præteriri debet,



Reverendissimos septem Coniudices, Provinciarum Patres esse; quæ proprii Familiæ Commissarii auctoritatem, ac jurisdictionem agnoscunt, & ab eo reguntur, & gubernantur; ac proinde si vel minimum, in causæ discussione, favore Commissarii invenissent arbitrium, tanta unanimitate Recollectorum favore non pronuntiassent, tum ob reverentiam nativis suarum Provinciarum Superioribus debitam, tum ob majorem inter Ordinis Provincias Gubernii uniformitatem. Exclamare enim potuissent: Ad quid hæc distinctio? Provinciæ nostræ Commissarii Familiæ jurisdictionem agnoscunt, quare igitur Recollecti Galliæ ab eodem gubernari renuunt? At veritas, & justitia, quam pro Recollectis stare ad evidentiam noverunt, cuilibet respectui, cuilibet argumento prævalere debuit, & de facto prævaluit.

## A R T I C U L U S I I.

*An Recollectorum Galliæ Provinciæ in hac Causa comparuerint, vel ego solus cum quibusdam paucis?*

8 **A** Sfero à Patre Ozolaga, Rmum Torre meum Restrictum juris & facti impugnare noluisse, rationem statim subjungit = *Ne R. A. P. Gravois, & alii pauci consortes ejus, voce, ac nomine Provinciarum, suis Privilegiis abutentes, lites moverent, quæstiones inducerent, & Religionis pacem, ac tranquillitatem perturbarent* = Ipsi enim quamplurimum prodest, in capite dicti sui Voluminis, me coram Reverendissimis Vocalibus traducere, veluti hominem, qui cum aliis paucis voce ac nomine Provinciarum abuti volebam, ad totius Ordinis pacem perturbandam, & tranquillitatem. Viderat tamen Pater Ozolaga in Summario, quod impugnat, Decretum Diffinitorii nostræ S. Dionysii Provinciæ, quo Procurator in hac Causa ab eisdem fui constitutus. Viderat in eodem Summario elenchum Litterarum, quas Reverendissimo à Laurino præsentaveram, quasque ad eundem finem à principalioribus Patribus omnium & singularum nostrarum Galliæ Provinciarum receperam. Ea omnia iterum videre potest *præsentati Summ. num. 13.* Videre pariter potest in eodem Summario *num. 14.* varia alia Decreta, tum ab integris Provinciarum Diffinitoriis, tum etiã ab omnibus quorundam Capitulorum Provincialium Vocalibus edita, in quibus unanimiter conclamant omnes, se velle manuteneri in sua à Commissario Familiæ independentia, cohærenter ad consuetudinem nunquam interruptam, ad Constitutionem Clementis VIII., ad Decreta Regia, & ad contenta in suis municipalibus Constitutionibus; eaque omnia laudant & approbant, quæ in hac Causa feceram, & facturus eram. Si igitur

tur chimaricam vocare prætendit istam prætensionem Pater Olozaga, non mihi soli, nec paucis meis consortibus, sed omnibus Recollectorum Galliæ Provinciis, & Patribus eam tribuere debet, qui eandem hauserunt ex Bulla Clementis VIII., & ex omnibus suis Statutis tam municipalibus, quàm Nationalibus, à principio Recollectionis usque ad præsens editis, in quibus, conformiter etiàm ad praxim, semper fuit inserta. Quis autem verum & legitimum Constitutionis Clementis VIII. relatè ad Recollectas Galliæ Provincias sensum melius agnoscere poterit, quàm tot Patres, qui à centum & quinquaginta annis, modò in uno, modò in alio tempore, Compilationem fuorum respectivè Statutorum municipalium pro qualibet Provincia ordinarunt: quique continuò videbant, quo sensu in ipsismet Provinciis executioni mandabatur?

- 9 Nec obstat, quod Statuta Congregationis Nationalis Recollectorum anni 1640. executioni non fuerint mandata. Alio enim modo de Statutis ibidem factis disserendum est, & alio modo de iis, quæ ab omnibus tamquam certa & indubitata præsupponebantur. Tamquam certum, & indubitatum supponebant unanimiter dictæ Nationalis Congregationis Patres, Recollectos Galliæ Commissario Familiæ non subijci; & hoc conformiter ad Breve Clementis VIII., & ad praxim & consuetudinem in suis Provinciis introductam, & sibi notissimam. Hoc nixi fundamento, statuerant inter alia, Recollectos Galliæ imposterùm non teneri ad Congregationes generales Ordinis pergere. Hoc Statutum à Provinciis deindè non fuit receptum; siquidem Indiarum Occidentalium, Provinciæ, & Germano-Belgiæ, sicuti Guardianus Magni Conventus Parisiensis, Commissario Familiæ non subijciuntur; & tamen ad generales Congregationes pergebant. Licèt igitur Provinciæ Recollectorum dictum Nationale Statutum postea rejecerint, non inde sequitur, eos sententiam mutasse, circa independentiam a Commissario Familiæ. Similiter aliud est, quod Recollecti Galliæ in Conventu Aracelitano, vel Matritensi existentes seu commorantes, ratione domicilii, Superiori Generali subiaceant, cui subjacent dicti respectivè Conventus; & aliud, quod propriæ ipsorum Provinciæ Commissarium Generalem in Superiorem agnoscere debeant. Sicuti enim ex eo, quod aliquis Religiosus Magni Conventus Parisiensis, Matritum pergens, debeat ibi ratione domicilii in Superiorem agnoscere dictum Commissarium, non inde sequitur, quod Magnus Conventus eidem Commissario subijciatur; ita ex eo, quod Recollecti Galliæ, ad Conventum Aracelitenum accedentes, coacti fuerint in Superiores recognoscere tum Procuratores Generales Ordinis, tum & Commissarios Familiæ, non inde sequitur, ad idem teneri ipsasmet Recollecto-



rum Provincias. Et ratio est, quia Breve Clementis VIII. emanavit pro gubernio Custodiarum, & Provinciarum Recollectorum, ac Religiosorum in eis commorantium; non verò pro Recollectis, qui è propriis Provinciis recedentes, ad alias partes pergunt.

## A R T I C U L U S III.

*Utrum Provinciæ Recollectorum Galliæ, ab anno præsertim 1670. à solis Ministris Generalibus gubernatæ fuerint?*

10 **I**N meo Restrictu juris & facti dixeram, omnes Recollectorum Galliæ Provincias inconcussè & inalterabiliter à solis Ministris Generalibus fuisse gubernatas; ex quo inferebam, Statutum Valisoletanum anni 1670., contradicentibus unanimiter dictis Provinciis, executioni non fuisse mandatum, utpote Constitutioni Clementis VIII. è diametro oppositum. De crimine falsi me accusat Pater Olozaga, & à num. 485. usque ad 520. demonstrare prætendit, omnes Galliæ Provincias, etiam Recollectorum, ad Commissarios Familiæ ab illo tempore usque ad præsens, pro sui gubernio recursum fecisse. Si tamen à suo Elencho segregentur ea omnia, quæ solas Observantium Galliæ Provincias respiciunt, nil aliud remanebit, nisi variæ obedientiales Litteræ, quibusdam Fratribus particularibus Recollectis concessæ, qui ut plurimum in Hispaniis reperiebantur; & magno illo octuaginta annorum spatium, deputatio trium Visitatorum pro tribus celebrandis Capitulis Provincialibus, videlicet num. 497. ad annum 1670. Die 1. Junii dedit commissionem visitandi Custodiam S. Nicolai in Lotbaringia, & præsidendi Capitulo, Patribus F. Policarpo Mellet, & F. Urbano Guillet = n. 510. = Die 23. Januarii 1671. dedit commissionem visitandi Provinciam Britannicæ P. Fr. Juvenali Douleat = Et n. 514. Die 1. Junii 1694. = Patentes Visitatoris Provinciæ S. Andrææ in Belgio R. Patri Fr. Hiacynto Le Fevre Ministro actuali = Quibus addi potest licentia celebrandi Congregationem Provinciæ S. Bernardini, a Reverendissimo Torre data, de qua ibidem num. 461. Ex Regesto Reverendissimi Torre pag. 257. tit. Prov. S. Bernardini Recollectorum in Gallia, ibi = 1742. 24. Novembris expedivit Litteras Patentes, & facultatem celebrandi Congregationem R. Patri Provinciali ad petitionem totius Desinitorii. Cum tamen nulla ex dictis Patentibus executionem habuerit; sed dicto spatio octuaginta annorum omnia generaliter Provincialia Capitula, omnesque Congregationes omnium & singularum Recollectorum Galliæ Provinciarum, auctoritate solius Ministri Generalis celebrata fuerint, nunquam verò auctoritate Commissa-  
riorum

riorum Familiæ, nec ullum negotium ad istorum tribunal delatum fuerit; quomodo de falsi crimine accusari possim, ex eo quod talia asseruerim, prorsus ignoro.

- 11 Et certè, quod attinet ad Patrem Policarpum Mallet, visitavit illè Lotharingæ Custodiam, & illius Capitulum celebravit, non quidem auctoritate Commissarii Familiæ, sed Reverendissimi Ministri Generalis Francisci Mariæ Rhini, qui ad hunc finem Litteras Patentes ei dedit sub die 28. Aprilis 1671. *Summ. num. 15.* Similiter Pater Juvenalis Doucet Provinciam Britanniaë visitavit, vigore Patentium, quas ab eodem Reverendissimo Ministro Generali die 21. Aprilis ejusdem anni 1671. receperat = *Summ. n. 16.* Tandem P. Hiacinthus Le Fevre Provinciam S. Andræ pariter visitavit anno 1695. post receptas ad hunc finem Patentes Litteras à Reverendissimo Bonaventura Pœrio Ministro Generali Ordinis. *Summ. num. 17.* Ex quibus resultat, alias Patentes à Commissariis Familiæ, ut supra, datas, & quidem immediatè post Capitulum Vallisoletanum anni 1670. in Gallia non fuisse receptas, nec executioni mandatas.

- 12 Transitum nunc facientes ad licentiam à Reverendissimo Torre datam Provinciæ S. Bernardini, celebrandi Congregationem, *ad petitionem*, ut habetur in ipsius Regeſto, *totius Diffinitorii*; sciendum est; quod Reverendissimus Torre in Vice-Commissarium electus, circulares Litteras de dicta sua electione ad Provincias transmisit; & P. Philippus Ripert, tunc temporis Provincialis Provinciæ S. Bernardini, vel inadvertenter, vel ob aliquem suum finem particularem, eas in Provincia publicari præcepit. Monitus tamen, quod hoc fieri non debebat, & statim celebrato Provinciæ Capitulo, Decretum in eodem edidit cum aliis Diffinitorii Patribus die 10. Septembris 1741. quo præcipiebatur, ut dictæ circulares è Conventuum Regeſtis, in quibus fuerant insertæ, eraderentur, & hoc, *ut non attentaretur auctoritati Reverendissimi Patris Generalis, & coherenter ad Bullas Apostolicas, & Decreta Regia, quibus nobis prohibetur alios à Ministris Generalibus agnoscere Superiores.* Verba sunt Decreti. *Sum. num. 18.* Elapso vix anno, die scilicet 27. Octobris, Provincialis cum tribus ex Diffinitorii Patribus Reverendissimo Ministro Generali scripsit pro licentia anticipandi Congregationem intermediam = *Sum. num. 19.* (in dicta enim Provincia, unica celebratur) Et die sequenti, Reverendissimo Torre pariter pro eadem licentia scripserunt, inter alia in sua Epistola dicentes = *Novimus plane, nos ipsi esse immediate subiectos, & jure, voluntarièque gloriamur, & volumus ab ipsa omnino dependere.* *Sum. n. 20.* Quomodo autem hæc cohæreant cum Decreto mox allato, & ab ipsis iisdem subscripto, judicent alii, & simul observent, tres Dif-
- fini-

finitores huic Epistolæ non subscripsisse, quo non obstante, in Regeſto Reverendiſſimi Torre ſincere fuit inſertum, conceſſam fuiſſe *licentiam celebrandi Congregationem ad petitionem totius Deſſinatorii*. Reverendiſſimus à Laurino non ſolum petitam denegavit licentiam, ſed expreſſe prohibuit, ne anticiparetur Congregatio; facultatem è contra eandem anticipandi conceſſit Reverendiſſimus Torre; Cumque eam celebraturi eſſent, Chriſtianiſſimus Rex, me cum aliis Provinciæ Patribus inſtante, præcepit, ut mandatis Reverendiſſimi Generalis obediretur; ac poſtea tres ex dictis quatuor Patribus in exilium extra Provinciam miſit: quæ omnia ſub die 29. Martii 1743. Reverendiſſimo à Laurino ſcripta ſunt ab aliis tribus Deſſinatorii Patribus = *Sum. n. 21.* Quibus reſpondens idem Reverendiſſimus, dixit = *Ægrè accepimus agendi modum R. Patris Ripert, recurrentis ad Reverendiſſimum Commiſſarium Generalem Familiæ pro celebratione veſtræ Congregationis contra jus noſtrum, & prohibitionem, quam miſeramus, de non accelerare ipſam; nunc faſtorum ſuorum penas luet.* *Sum. n. 22.* Hæc ſunt Beneficia, quæ noſtris reſultarent Provinciis, ſi facultatem haberemus recurrendi immediatè, ad arbitrium noſtrum, vel Miniſtro Generali, vel Commiſſario Familiæ. Quilibet nunc judicet, quo titulo Pater Olozaga in crimen mihi verſat, quod in hoc caſu recurſum ad Regem fecerim; cum debuifſem, inquit, pro opportuno remedio ad Reverendiſſimum Generalem recurrere.

- 13 Conſuetudo Recollecſorum Galliæ non recognoſcendi Commiſſariorum Familiæ juridiſtionem, magis ac magis apparet ex peractis poſt electionem Reverendiſſimi Soto in Commiſſarium Familiæ. Statim enim ac fuit electus, circulares Litteras tranſmiſit Recollecſorum Provinciis, quibus tùm de ſua electione, tùm de Celebratione Capituli generalis eos certiorabat. At coram Reverendiſſimo Patre à S. Laurentio recurſum fecerunt Recollecſi, demonſtrantes ſe nunquam gubernatos fuiſſe à Commiſſariis Familiæ; dictus autem Reverendiſſimus, rationibus utriuſque partis auditis, & examinatis, decrevit, *nihil innovari*; & deinde eaſdem Provincias gubernavit, ſicuti poſtea à Reverendiſſimo à Pareta gubernatæ fuerunt. Totius negotii ſeries diſtinctè videri poteſt in duabus Litteris, tunc Reverendiſſimo à S. Laurentio ſcriptis à Miniſtro Provinciali Provinciæ S. Dionyſii, & à P. Saturnino Dirop, tunc temporis pro Recollecſis Deſſinatore generali; quæ ambæ conſervantur in Archivio Aracœliſtano. *Sum. num. 23.* & 24. Prætendit tamen Pater Olozaga, quod, his non obſtantibus, Reverendiſſimus Soto, tempore ſui Commiſſariatûs, juridiſtionem exercuerit ſuper Provincias Recollecſas; & num. 517. ex Regeſto ejuſdem Reverendiſſimi notat, quod *dedit*



*Litteras Patentes Patri Casario Poserandi Prædicatori, & Ex-  
deffnitori Recollecto Missilia. Item Literas obedientiales 12. No-  
vembbris 1724. Fr. Damaso de Mija, Fr. Eugenio Caupel, & Fr.  
Gilberto Bescofre, filiis Provinciae Sanctissimi Sacramenti Re-  
collectorum. Item Fr. Eutropio Martin Prædicatori, filio Imma-  
culatæ Conceptionis Aquitaniae, ut incorporaretur in Provincia  
Cantabriae. Hi sunt Actus jurisdictionis, spatio sex annorum, à  
Reverendissimo Soto Commissario generali Familiae, relatè ad  
decem Recollectorum Provincias exerciti, quibus probare in-  
tendit Pater Olozaga, falsum esse, quod dictæ decem Provinciae  
à solis Reverendissimis à S. Laurentio, & à Pareta inconcussè  
& inalterabiliter gubernatæ fuerint. Patrem Casarium novi, cum  
fuerit meæ Provinciae filius; & scio, ipsum per aliquot annos in  
Hispaniis commoratum fuisse, quod sciunt pariter RR. Patres  
Vocales ejusdem meæ Provinciae. Si igitur Reverendissimus Soto  
illi forsân dederit Patentales, vel Obedientiales, ut ad propriam  
rediret; quid hoc, quæso, ad Provinciae Gubernium facit? Quid  
facit pariter ad idem Gubernium incorporatio in Provincia Can-  
tabriae Fratris Eutropii Martin? Aliquid possent facere Litteræ  
Obedientiales, anno 1724. tribus Religiosis Provinciae nostræ  
Sanctissimi Sacramenti datæ, ut in Observante Provincia Aqi-  
taniae recentioris incorporari possent. At in Regesto Reverendis-  
simo Soto annotare debuissent, quod dictæ licentiæ effectu carue-  
runt, habito recurso tam ad Reverendissimum Ministrum Gene-  
ralem, qui decreverat, *nihil innovari* in gubernio nostrarum  
Provinciarum, quàm ad Christianissimi Regis Ministros = *Sum-  
num. 25.* prout etiam testari poterunt Vocales duarum illarum  
Provinciarum.*

## A R T I C U L U S IV.

*Declarationes aliquæ pro tollendis è medio variis æquivocationibus,  
in Volumine Patris Olozaga sparsis.*

- 14 **I**N Statutis municipalibus alicujus Provinciae debet distingui id,  
quod à Provincia expressè pro sui Gubernio stabilitum fuit, ab  
eo, quod ibidem refertur, à Summis Pontificibus determina-  
tum. Primum vocari debet Statutum à Provincia factum, non  
ita secundum: hocque supposito, quod omnibus notum est, Re-  
collecti Galliae nullum unquam fecerunt Statutum, Commissariis  
Generalibus, seu eorum jurisdictioni præjudiciale; sed solummo-  
do in suis Statutis id inseruerunt, quod legerunt in Constitutione  
Clementis VIII, quodque continuò in suis respectivè Provinciis  
præficari viderunt: nempe, quod à Ministris Generalibus Or-  
di-

dinis tantum, vel à solis Ministris Generalibus dictæ suæ Provinciæ regebantur.

15 Idem non tenentur Constitutionibus generalibus Ordinis, non solum si sint contrariæ Strictiori ipsorum Observantiæ, sed etiam si iis adversentur, quæ in Constitutionibus Apostolicis, sui favore emanatis, continentur. Undè cum Statutum Vallisoletanum anni 1670. sit contrarium Constitutioni Clementis VIII, eidem non tenebantur, utpote nulliter factò, juxta clausulas dictæ Constitutionis, quibus sub pœna nullitatis prohibetur Capitulis Generalibus aliquid peragere Constitutioni contrarium. Certum est autem, quod per Capitulum Generale intelligitur Congregatio omnium Vocalium, qui ad illud accedunt, sive sint Observantes, sive Reformati, sive Recollecti; & ideo non mirum, si, non obstante dicto Statuto, Provinciæ Recollectorum semper gubernatæ fuerint à solis Ministris Generalibus.

16 Somniantis est dicere, Ministrum Generalem, & Commissarium Generalem Familiæ habere jurisdictionem cumulativam relatè ad illas Provincias, quas Commissarius Generalis per se visitare non potest, minimè verò relatè ad alias. Nullum enim invenitur Statutum, quod vel per umbram hoc dixerit. Deinde, si ob hanc rationem Recollectorum Provinciæ gubernatur à Ministris Generalibus, dicant mihi, cur etiam non regantur eodem modo omnes Lusitaniæ, & Indiarum Orientalium Provinciæ? Tàm enim ad minus difficile est Commissario Familiæ ad dictas partes pergere, quàm ad Recollectorum Provincias. Similiter cur Minister Generalis Ultramontanus, duas Corsicæ Provincias cumulativè non gubernat, ad quas visitandas nunquam pergunt Commissarii Familiæ Cismontanæ? Ulterius nunquam probari poterit, quod vel unum Provinciale Capitulum, in Recollectorum decem Provinciis, ab earum erectione, celebratum fuerit auctoritate Commissarii Generalis, vel una Congregatio intermedia, vel quid aliud simile, verè & essentialiter concernens Provinciarum gubernium. Dicant igitur in quo consistat, & ad quod se extendat pro parte Commissarii, prætensa illa cumulativa jurisdictio. Forsan ad dandas furtim, & clandestinè, spatio trium vel sex annorum, tres vel quatuor obedientiales Litteras quibusdam Fratribus particularibus? Adsunt hîc omnes nostrarum Provinciarum Vocales, inter quos aliqui jam pro secunda & tertia vice Provincialis munus exercent, quique Capitulis generalibus tàm anni 1740. quàm 1729. affuerunt; parati sunt omnes cum omni veritate, & etiam juramento, si opus fuerit, testari, executionem similibus obedientialibus in Provinciis nostris nunquam dari. Forsan ad transmittendas aliquas Circulares, vel pro convocatione Capituli Generalis, vel pro aliquò alio Ordinis negotio? Testabuntur pariter,

simi-

similes Circulares in Provinciis nostris, a tempore, quo sunt Religiosi, nunquam fuisse publicatas, quantumcumque aliquis Provincialis, noviter forsàn ad talem dignitatem evectus, statim ab eorum receptione, inadvertenter & inconsultè responderit, se eas publicaturum. Et certè, sicuti Reverendissimus Minister Generalis, Romæ existens, suas circulares mittit Commissario Generali Familiæ Ultramontanæ, Commissario Generali Indiarum, & Commissario Nationali Germano - Belgico, ut quilibet ipsorum in Provinciis sibi respectivè subjectis eas publicari curet; ita eas directè & immediatè transmittit cuilibet Ministro Provinciali decem Recollectorum Provinciarum, ut unusquisque in sua Provincia eas pariter publicari faciat. Si igitur illas easdem Circulares Commissarius Familiæ etiam transmittat eisdem Recollectorum Provincialibus, sique exemplar ab ipso missum publicari debeat, eadem circularis bis publicabitur, semel ut missa à Ministro Generali, & denuò ut missa à Commissario Familiæ.

- 17 Verum est, quod, ordinarie loquendo, per *Superiores Generales* intelliguntur, tam Minister Generalis, quàm Commissarius Familiæ; quod etiam, quidquid dicitur in Statutis de Ministro Generali, debet intelligi de Commissario Familiæ, quando agitur de earum Provinciarum gubernio, quæ Commissarii Familiæ jurisdictionem agnoscunt. Hoc tamen falsum est, ubi de Ministro Generali sermo habetur relatè ad alias Provincias. Undè, si dicatur, quod à Commissario Generali Indiarum datur appellatio ad Ministrum Generalem, & etiam à Commissario Nationali Germano - Belgico, vel à Guardiano, & Discretorio Magni Conventus Parisiensis, certum est, & omnibus notum, quod tunc sub nomine *Ministri Generalis* non comprehenditur Commissarius Familiæ. Imò Breve Sanctissimi = *Sacrofancti* = dat. 2. Augusti 1748. in quo præcipitur, ut appellatio fiat à Provinciali ad Commissarium Generalem Familiæ, *Si de negotio, & causa agatur, Familiam dicti Commissarii concernente*, hoc, inquam, Breve debet intelligi prout sequitur, videlicet = *Si de negotio, & causa agatur concernente Provincias, jurisdictioni Commissarii Familiæ subjectas*; alias in Familia nostra daretur appellatio ad Commissarium Familiæ à Commissario generali Indiarum, à Commissario Nationali Germano - Belgico, & a Guardiano & Discretorio magni Conventus Parisiensis: quod nemo hodiè affirmabit. Nec dici potest injuriosam esse Bullæ Leonis X. independentiam Recollectorum à Commissario Familiæ: si enim absque ullo talis Bullæ præjudicio à dicti Commissarii jurisdictione eximuntur Provinciæ Indiarum Occidentalium, & Germano - Belgicæ, ut gubernentur à Commissariis, Commissario Familiæ dignitate inferioribus, à fortiori absque ejusdem præjudicio potuerunt Recollecti Galliæ ab eadem



dem jurisdictionē eximi, ut à Successore S. Francisci, juxta pri-  
marium jus Religionis, immediatē gubernentur.

- 18 *Gratis asseritur, Brevia Capientes*, quibus Clemens VIII. sub die  
2. Octobris 1600., & Paulus V. die 8. Julii 1615. Reformatos Ita-  
liæ subjecerunt Commissariis Familiæ Maculino, & de Gabiano;  
cum expressione in quolibet Brevi = *Tibi, durante officio tuo. . .*  
*& absentia Ministri Generalis . . . & vice ac loco ipsius, prædi-*  
*ctum Ordinem universum Fratrum Reformatorum . . . regendi, &*  
*gubernandi liberam facultatem, & auctoritatem tribuimus* = fuisse  
excitativa jurisdictionis ordinariæ, quam tunc temporis jam ha-  
bebant super Reformatos dicti Commissarii. Si enim talem juris-  
dictionem ordinariam habuissent dicti Commissarii, cum vi illius  
potuissent, & debuissent, Reformatos gubernare, non solum  
absente, sed etiā præsentē Ministro Generali, dicta Brevia li-  
mitativa fuissent, non excitativa jurisdictionis ordinariæ; eam enim  
limitassent ad solum tempus absentiae Ministri Generalis. Unde ad  
evidentiam patet, duos illos Pontifices auctoritatem super Re-  
formatos dedisse duobus illis Commissariis, quam non habebant,  
sed restrictam ad tempus Officii cujuslibet, & absentiae Ministri  
Generalis. At super hoc videantur vota RR. AA. Patrum Petri  
Joannis de Molina, & Vincentii Antonii de Caprarola in *Sum. n.*  
*1. 2. 4. & 5.* Eodem ferè tempore, ab anno scilicet 1600. ad  
1612. non solum Familiæ Commissario non subiciebantur Recol-  
lecti Galliæ, sed etiā multum, relatè ad ipsos, limitabatur ju-  
risdictio ipsiusmet Ministri Generalis. Habebant enim Apostoli-  
cos Commissarios, qui auctoritate, a Summis Pontificibus sibi  
collata, eos regebant, & Recollectionem extendere satagebant,  
de quibus loquitur Gubernatis tom. 2. lib. 7. c. 4. n. 244. ibi =  
*Adveniens in Gallias P. Nathanael le Sage, ex Francia Provin-*  
*cia Commissarius Apostolicus, & Visitor Generalis à Clemen-*  
*te VIII. deputatus, ad introducendam, & obsirmandam in uni-*  
*versa Gallia Sanctam Recollectionem* = & num. 245. *Quos de-*  
*mun P. Mathurin antedictus, Patris Nathanaelis in Apo-*  
*stolico Commissariatu successor, mirè multiplicavit, & Custodiam*  
*sub titulo S. Francisci Recollectorum erexit.* Et num. 270. ad  
annum 1612. fit mentio Patris Joannis Andræ Commissarii  
*Fratrum Reformatorum Galliæ.* Erectis tamen isto anno dua-  
bus Provinciis cum una Custodia, inter alia concordatum  
fuit, quod in omnibus subditæ forent Generali Ministro, sic-  
ut aliæ Provinciæ Ordinis, videlicet sine restrictione, aut limi-  
tatione, addita statim clausula = *Sed si Generalis Minister per seip-*  
*sum non potuerit visitare prædictas Provincias, & Custodiam, &*  
*earum Provincialibus Capitulis interessere, Commissarium ex Refor-*  
*matis ad hoc munus deputabit ipse Generalis Minister* = Quod si po-  
tea

Ita Minister Generalis Hierro tentaverit addere subjectionem, etiam illorum ad Commissarium Familæ, satis superque constât, ipsos stare voluisse expressis in concordato, cum ab illo tempore usque ad præsens nullum receperint Commissarium Visitatorum, nisi fuerit Recollectus, ac deputatus a solo Ministro Generali.

- 19 In meo Restrictu juris & facti asserueram, quod ab anno 1625. usque ad 1670. novem successive Diffinitores Generales habuerant Recollecti nostri. At de crimine falsi me redarguit Pater Olozaga, cum septem tantum ipse invenerit. Si tamen observasset, quod anno 1636. novum Diffinitorium Generale creavit Urbanus VIII. per Litteras Apostolicas, in quibus unus Recollectus in Diffinitorem Generalem institutus legitur, sique postea alium Recollectum in ipso Capitulo Generali anni 1670. electum addidisset, novem ab anno 1625. usque ad 1670. invenisset. Ibidem asserueram etiam, quod Capitulo 1670. pauci ex nostris Recollectis assisterant, quodque protestatio, & appellatio interposita fuerat contra omnia, quæ in eodem Capitulo in præjudicium Provinciarum nostrarum peractum fuerat. Asserit incontrarium Pater Olozaga, quod omnes Recollecti, excepta S. Dionysii Provincia, dicto Capitulo interfuerunt; quodque protestatio, & appellatio ibidem interposita, non respiciebat Statuta Capituli, sed solummodo quasdam Causas, Ministrum Provinciale dictæ Provinciæ concernentes. Si autem in hoc erravi, mea culpa non est, cum circa istud punctum nil aliud fecerim, quam ea transcribere, quæ olim Reverendissimo à S. Laurentio à Patribus gravibus representata fuerant, ut constat ex manuscriptis, quæ in Archivio nostro SS. 40. Martyrum aservantur, & videri etiam potest in *Summ. num. 23. & 24.*; Dixi, si in hoc erravi, forsân enim in Archivio nostro Parisiensi aliquid invenietur, ad respondendum tempore opportuniore, huic objectioni. Sufficiat mihi pronunc, quod hoc Statutum facere non potuerit Capitulum generale, quodque in Provinciis nostris executioni non fuerit mandatum, ut supra probatum est.

- 20 Multa in suo voluminoso Libello dicit Pater Olozaga de jurisdictione Ministri Generalis, & Commissarii Generalis Familæ, & de iis, quæ potest, vel non potest idem Minister Generalis relatè ad dictum Commissarium, & Familiam ejus, quæ parum mihi videntur concernere nostrarum Provinciarum Causam; nihilominus abs re non erit hic referre, quæ tempore Patris Gubernatis, à Reîno Marino Soriano, Ministro Generali, peracta sunt. Integram seriem sic refert ipse Gubernatis tom. 4. pag. mihi 272. = *Cum igitur ex diligenti prudentium Patrum indagine, post ultima Ordinis Comitæ Toleti celebrata anno 1682. dubia nonnulla, & quidem*  
gra-

*gravissima emerferint, quæ publicum Ordinis gubernium, aut Provinciarum pacem immediate respiciunt, nempe circa formam in Officialium Curia deputatione servandam ... Quid agere possit, aut debeat Minister Generalis, quo casu recursus à Commissario Generali alterius Familiae ad ipsum interponatur.... Dubia itaque sibi proposita prudentissimus Generalis, ut omni cautela, & securitate pro feliciore Ordinis gubernio posset decidere, ita ut obligare valeant, per peritissimos, qui essent in Urbe, tota diligentia examinari, & integro rigore disputari mandavit. Deinde per extensum refert pag. 343. Votum à dictis peritissimis Patribus, qui essent in Urbe, unanimiter, & nemine contradicente exaratum super dubio, Commissarium Generalem concernente, in quo Voto sic loquuntur dicti Patres = *Liquido apparet, tria quæstia in hoc puncto principalia contineri. Primum, an à Commissario Generali alterius Familiae ad Ministrum Generalem detur legitimus recursus? Secundò, an Minister Generalis licite possit Commissarios suos speciales, & à Commissario Generali independentes destinare ad aliquas Provincias in Familia Commissarii Generalis? Tertio, an Ministro Generali liceat, aliquam ex hujusmodi Provinciis alterius Familiae, suæ immediate jurisdictioni reservare, itaut interim non liceat Commissario Generali Familiae illius, de tali sic reservata Provincia se ullatenus intromittere. Postea multis eruditè super hac materia discussis, atlatisque variis objectionibus, eisque solutis, concludunt: Primum, quod à Commissario Generali alterius Familiae, ad Ministrum Generalem totius Ordinis datur simpliciter appellatio, & recursus. Secundò, licere Ministro Generali, nulla apposita causa, sed prout secundum Deum melius sibi videbitur expedire, destinare Commissarios speciales ad aliquas Provincias in Familia Commissarii Generalis. Tertio tandem, quocumque tempore, etiam extra Capitulum, licere Ministro Generali exercere suam, ut supremi capituli, auctoritatem, quoad aliquas Provincias, aut negotia sibi specialiter reservanda.**

21 Hæc pro nunc sufficient; non enim, ut initio dixi, possibile mihi est tempore adeo brevi, & attentis aliis negotiis, occasione Capituli Generalis quolibet momento occurrentibus, integro Libello Patris, Olozaga respondere. Puto tamen, quod ex dictis sufficienter cuilibet innotescet justitia & æquitas Sententiæ favore Recollectorum nostrorum datæ, toties audito Reverendissimo Torre: omnesque pariter agnoscent, eandem jam transisse in rem judicatam. Quapropter &c.

*Fr. Marcus Antonius Gravois Minor,  
Recollectus.*



## SUMMARIUM

Num. 1.

*Primum Votum  
R. A. Patris  
Vincentii An-  
tonii de Capraro-  
la Diffinitoris  
Generalis Ordi-  
nis, favore Re-  
collektorum.*

**R**everendissime Pater = Præsentante Reverendissimo Pa-  
tre Ludovico della Torre, Commissario Generali Ultra-  
montanæ Familiæ, suam extendere jurisdictionem supra Re-  
collektos Galliæ: & è converso contententibus istis se esse  
immediate subiectos Paternitati Vestræ Reverendissimæ;  
requisitus ego, ut super hac Controversia, pendente coram  
P. V. Reverendissima, sensum meum aperirem, visis  
proinde juribus hinc inde adductis, & attente scrutatis Con-  
stitutionibus Apostolicis, aliisque visis videntis, & conside-  
ratis considerandis, tum in sensu dictos Galliæ Recollektos  
esse immediate subiectos P. V. Reverendissimæ, absque eo  
quod Reverendissimus Commissarius Generalis Familiæ juri-  
sdictionem ullam valeat super illis exercere: & moveor a  
sequentibus.

In Constitutione enim Gregorii XIII., quæ incipit = *Cum illius  
vicem* = scriptam reperio exemptionem PP. Reformatorum  
à jurisdictione Reverendissimi Commissarii Generalis, cum  
eorum subiectione soli Reverendissimo Ministro Generali;  
cumque hæc Bulla Gregoriana fuerit per Clementem VIII.  
extensa ad Recollektos Galliæ per alteram Bullam sub da-  
tum 12. Octobris, quæ incipit = *Pro injuncti nobis* = quæ  
subinde fuit confirmata per Paulum V., Gregorium XV.  
& Urbanum VIII. mediāntibus Constitutionibus relatis apud  
Gubernat. tom. 2. pag. 355. 407. 408. & 418., hinc proin-  
de dubitari non valet, dictos Recollektos esse immediate sub-  
iectos soli Ministro Generali, privativè ad Commissarios  
Familiæ, cum hæc fuerit voluntas Papæ *pandita* in dictis  
Constitutionibus, quas nemo non scit debitam executionem  
& venerationem promereri; & attenta clausula sublata,  
& decreto irritante, quibus munitæ sunt dictæ Constitu-  
tiones, adempta est cuicumque Judici & Tribunali facultas di-  
versimode judicandi.

Nec prædictis Constitutionibus adversari mihi videtur altera  
Constitutio Clementis VIII. edita 2. Octobris 1600., qua  
mediante data fuit jurisdictione Reverendissimo Maculino,  
tunc temporis Commissario Generali, supra Reformatos;  
unde hodiernus Reverendissimus Commissarius Generalis  
inferre conatur, quod per hanc Bullam abrogata remanse-  
rit Constitutio Gregoriana, & sic figi non possint pedes su-  
per altera posteriori Bulla Clementina, extendente Grego-  
rianam Constitutionem ad Recollektos Galliæ.

Visa enim per me littera dicti Brevis directi Reverendissimo Maculino, tunc temporis Commissario Generali, legi in eo delegatam jurisdictionem supra Reformatos, non purè & simpliciter, nec per verba tractum successivum & perpetuitatem indicantia, sed restrictivè ad ejus personam, durante ejus officio, & durante absentia Ministri Generalis; unde cum dicta Bulla sit mere personalis, & ad tempus; & in ea cautum sit, ut dictus Maculini, vice & nomine Ministri Generalis gubernet, durante officio suo, & durante absentia Ministri Generalis; per hanc Bullam non modo non destrui, sed potius confirmari jurisdictionem Ministri Generalis supra dictos Reformatos privative quoad Commissarium Generalem, qui debeat jurisdictionem exercere supra Reformatos, non proprio, sed nomine Ministri Generalis, profectò non sibi, sed dicto Ministro Generali totalis jurisdictionis attributa dicenda est.

Et in hunc sensum eo magis moveor, attento quod idem Summus Pontifex Clemens VIII. anno subsequenti aliam edidit Constitutionem, qua mediante fecit extensionem Bullæ Gregorianæ ad Recollectos Galliæ; quæ extensio fuit etiam successivè confirmata, & approbata à pluribus Summis Pontificibus, nempe à Paulo V., Gregorio XV., & Urbano VII. Si enim Clemens VIII. per Bullam directam Reverendissimo Maculino habuisset intentionem revocandi Bullam Gregorianam tribuentem soli Ministro Generali jurisdictionem supra Reformatos, eosque subijciendi Reverendissimis pro tempore Commissariis, certe quod anno subsequenti non extendisset dictam Bullam Gregorianam ad Recollectos Galliæ, nec alii Summi Pontifices hanc extensionem successivè confirmassent: quæ quidem ampliatio & extensio manifestum nobis præbent indicium, Bullam Gregorianam non solum non fuisse unquam revocatam, sed potius magis magisque fuisse in suo robore conservatam.

Nec ad sibi reconciliandam jurisdictionem supra Recollectos Galliæ juvat Reverendissimo Commissario Generali allegare statuta Ordinis nostri, & signanter illud anni 1670., ubi videntur Recollecti sese subjecisse jurisdictioni Commissarii Generalis, in cujus subjectionis corresponsivitate datus eis fuit Definitor Generalis. Etenim in hac parte placuerunt mihi responsiones datæ pro parte Recollectorum, qui primo loco ostenderunt longe ante dictum Statutum datum eis fuisse Definitorum Generalem; unde ex hoc cessat decantata corresponsivitas.

Secundo loco dicunt, nullam vim fieri debere in dicto Statuto; quia

quia adversus illud Provinciæ omnes Recollectæ reclamant, etiam mediante recurſu ad Regem, obtinueruntque executionem ſuſpendi, donec à S. Sede aliter fuerit judicatum, taliter ut dictum Statutum nunquam habuerit effectum.

Et tertio tandem loco observatur, quod cum ageretur hîc de danda jurisdictione Reverendissimo Commissario Generali Ultramontanæ Familiæ in præjudicium privativæ jurisdictionis competentis ſoli Miſtro Generali vigore Constitutionum Apostolicarum, de quibus ſupra meminimus; non erat in libertate DD. PP. ſe eximere d<sup>i</sup> jurisdictione unius, & ſe ſubjicere jurisdictioni alterius; cum hoc eſſet lædere jus tertii, & evertere Constitutiones Apostolicas, quod nemini permiſſum eſt.

Denique nec ad intentum Reverendiſſimi Commiſſarii Generalis conducunt quidam actus jurisdictionales, qui per Commiſſarios Generales pro tempore prætenduntur exerciti ſuper Recollectos Galliæ, prout aſſeritur apparere in Regeſtis Matriti exiſtentibus, Ultraquamquod non probatur, dictos jurisdictionales actus aliquo authentico documento, ac ſuum habuiſſe effectum, cum poſſit ſtare bene ſimul, quod Reverendiſſimi Commiſſarii Generales tentaverint dictos jurisdictionales actus, & quod è converſo fuerint contradicti, ſicuti evenit anno 1688., alia in promptu eſt reſponſio, quod cum dicti actus ſint contrarii Constitutionibus Apoſtolicis, tribuentibus privativam jurisdictionem ſoli Miſtro Generali; hinc nullius remanent roboris & momenti ad effectum, de quo modò agitur, dum in Constitutionibus Apoſtolicis adest Decretum irritans, cujus indoles ea eſt, irritare quamcumque conſuetudinem, quæ ſit contraria Constitutionibus Apoſtolicis; & tanto minus fundamentum mihi videtur conſtitui poſſe in dictis actibus, ſi qui ſint exerciti per Reverendiſſimos pro tempore Commiſſarios Generales, quia idemmet hodiernus Reverendiſſimus Commiſſarius Generalis ingenuè fatetur, eodem tempore Miſtros Generales eandem exercuiſſe ſupra Galliæ Recollectos jurisdictionem, quod revera ita eſt, & evidenter conſtat ex authentico documento exiſtente penes R. A. P. Gravois Diffinitorem Generalem. Unde quemadmodum per actus jurisdictionales exercitos per Miſtrum Generalem conſervata dicitur jurisdic-tio Miſtri, & in ſuo robore ſervatæ Constitutiones Apoſtolicæ, ita è converſo actus, ſi qui ſint exerciti per Reverendiſſimos pro tempore Commiſſarios Generales, tamquam contrarii dictis Constitutionibus Apoſtolicisq;



dicuntur clandestini, & turbativi, qui nihil ponunt in esse, & nullo numero habendi sunt ad effectum infringendi jurisdictionem, quam solus Minister Generalis valet & debet super Recollectos Galliarum privative quoad Reverendissimum Commissarium Generalem Familiae Ultramontanæ, vigore Constitutionum Apostolicarum indubitanter exercere: & ita dico, salvo semper maturiori iudicio Paternitatis V. Reverendissimæ, cui submisit me subicio. Romæ ex Aracoeli die 28. Julii 1744. humillimus Servus & Filius Fr. V. Antonius de Caprarola.

Reverendissime Pater = Cum Reverendissimus P. Commissarius Generalis Ultramontanæ Familiae, Fr. Joannes à Turri a sua electione in Vice-Commissarium Generalem tentasset suam exercere jurisdictionem super Fratres, & Provincias Recollectorum Galliarum, ab his interpositus fuit recursus ad Reverendissimum P. a Laurino P. V. Reverendissimæ Prædecessorem, quo instabant manuteneri in sua exemptione a jurisdictione dicti Commissarii Generalis, & immediata subjectione ad Ministrum Generalem totius Ordinis. Supplicem eorum Libellum eidem Reverendissimo a Turri transmitti decrevit Reverendissimus a Laurino, neque suas responsiones parare distulit P. Commissarius Generalis, & ad Urbem mittere; quibus cum pro parte Provinciarum replicatum fuisset, iterum vester Reverendissimus Prædecessor ipas Replicas communicari, & transmitti iussit Reverendissimo a Turri, qui ampliores responsiones parare, & ad Urbem transmittere non detrectavit.

In hoc rerum statu supervenit dignissima electio P. V. Reverendissimæ, qui ad earundem Provinciarum Recollectarum instantiam, ultra progredi volens in Causa, mihi præcepit, quatenus scripturas utriusque partis viderem, referrem, & meum Votum exprimerem scripto, cujus mandatis reverenter obtemperans, visis omnibus hinc inde productis, censeo exemptionem Provinciarum Recollectarum Galliarum, & earum immediatam subjectionem jurisdictioni Ministri Generalis totius Ordinis sufficienter probari tam in jure, quam in facto. Nam in primis fel. rec. Gregorius XIII. in sua celebri Constitutione = *Cum illius vicem*, edita die 3. Junii 1579. post discussionem Causæ in Sacra Congregatione Regularium, quæ partes interesse habentes audivit, & negotium maturè expendit, inter alia decrevit in hunc modum: *Minister Generalis de Observantia tantum; minime autem Provinciales, sive alii distorum Fratrum de Observantia Prela-*

## Num. 2.

*Primum Votum  
R. A. Patris de  
Molina Procura-  
toris Generalis  
Discealceatorum,  
favore corum-  
dem.*

*ti, aut Commissarii, in dictos Fratres Reformatos, sive illorum Custodias, jurisdictionem, visitandique & corrigendi facultatem habeat* : quam quidem Constitutionem Gregorii, pro Italiae Reformatis emanatam, extendit ad Recollectos Galliae scilicet. me. Clemens VIII. per suas Litteras incip. *Pro injuncti Nobis*, datas die 26. Martii 1601., hujusmodi Apostolica Sanctio ita efficax mihi videtur ad probandum intentum Recollectorum, ut vis illius eludi non possit : quoniam praeter particulam taxativam *tantum*, quae est exclusiva aliorum, excepto Ministro Generali in ea expresso, ultra progreditur ad explicitam, & quidem amplissimam exclusionem quorumcumque Superiorum : *sive alii* (inquit) *dictorum Fratrum de Observantia Praelati, aut Commissarii* = Si enim omnes Praelatos, sive Commissarios arcet ab exercitio jurisdictionis, visitationis, & correctionis, & solummodo hanc potestatem visitandi, corrigendi & jurisdictionem exercendi reservat Ministro Generali, palam fit, quod Commissario Familiae integrum non est, manus apponere ad gubernium Recollectorum, cum non habeat potestatem, quae soli Ministro Generali adjudicata fuit ad eos regendos. Insuper dicta Gregoriana Constitutio non alia de causa mihi videtur derogasse Bullae Leonis X., quae dicitur unionis, nisi quia Leonina est origo, & fulcimentum officii, & jurisdictionis Commissariorum Generalium Familiae, quia bene inspecto tenore totius Gregorianae Constitutionis, in nullo alio puncto eam deprehendo Leoninae contrariam, nisi in hac parte, qua Reformatos, seu Recollectos eximit a jurisdictione Commissariorum Familiae, qui inde iuste minime conqueri possunt; quoniam si Leo X. potuit officium invhere in Ordinem, auctoritati, quam ex Regula Seraphica habet super totum Ordinem Minister Generalis, non leviter praedjudiciale, ita exigente utilitate communi Religionis, potuit quoque Gregorius restringere jurisdictionem Commissariorum Familiae respectu Recollectorum, ita exigente eorumdem prospero regimine, & indemnitate, quibus per dictam Constitutionem, ejusdemque extensionem prospicere voluere Gregorius, & Clemens.

Nec omittendum, quod praefata Gregoriana & Clementina Constitutiones munitae reperiuntur clausula sublata, & Decreto irritante, quae omnibus Papae inferioribus aliter iudicandi; & interpretandi facultatem denegat & quidquid in contrarium a quoquam fuerit attentatum, nullum, irritum atque inane declarat, & tandem urget observantiam earundem Constitutionum cum formali obedientiae praeceto,

pto, & sub poena excommunicationis majoris latae sententiae, aliisque gravissimis; & consequenter revolutis hinc inde deductis, concludenter probari deprehendo observantiam earundem Constitutionum in omnibus Provinciis oratricibus a tempore Clementis VIII. usque ad praesens. Id probant attestations tum Archivicae Generalis Ordinis; tum omnium Provinciarum, ut videre est in Summ.num. 11. 12. & 13; idemque confirmat in sua ultima responsione Reverendissimus a Turri, ubi = *nec dixi absolute, Provincias Recollectorum Galliae ab anno 1670. ab omnibus Commissariis Generalibus gubernatas fuisse, cum sciam frequentissime, & ut plurimum ad Retiōs Ministros Generales recurrere immediate, & ab ipsis provideri*; Cumque certi simus de Lege, & pariter de inconcussa ejusdem Legis observantia, non video, quā ratione hodie ejusdem Legis vim infringere possimus. Praesertim cum in facto minime subsistere reperiam revocationem Legis, quae praetenditur ex adverso fundari in Indultis Clementis VIII. favore P. Francisci Maculino; & Pauli V. favore P. Evangelistae de Gabiano. Indulta enim haec vera sunt, sed temporanea, & restricta ad durationem in officio illorum Patrum, ea insuper conditione adjecta = *durante te in officio, & durante absentia Ministri Generalis*: In quibus terminis nullo modo ista Indulta dici possunt Leges Pontificiae revocativae antecedentium Constitutionum Apostolicarum, sed potius confirmativae earundem Constitutionum; si enim antecedentes non exemissent Reformatos a jurisdictione ordinaria Commissariorum Generalium, dicti Patres Commissarii Generales pro tempore sui officii & absentia Ministri Generalis minime indiguissent Indulto Apostolico ad illos gubernandos, cum hoc haberent vi suae ordinariae jurisdictionis. Utque intentum concluderet Reverendissimus a Turri, ostendere deberet, simile Indultum sibi factum, vel ad minus posteriorem Legem Pontificiam revocativam Gregorianae, & Clementinae.

Minusque faceffit negotium declarationis Provinciarum Recollectarum in Capitulo Generali Vallisoletano de anno 1670.; quia quidquid sit de illa declaratione quoad verba, & de exceptionibus, quae pro parte Recollectorum adducuntur, duo mihi certa remanent, nempe quod Capitulum Generale non habet potestatem super Apostolicas Constitutiones, & quod Provinciae ab eo tempore usque ad praesens nihil in facto innovarunt circa suum gubernium, & immediatam subjectionem Ministris Generalibus.

Auctoritates Patrum de Gubernatis, & Montalvo (quamquam



aliunde eos Viros doctissimos existimem ) nihil me movent , cum eorum Sententiam fundatam inveniam super falso supposito, videlicet, quod Gregoriana , & Clementina Constitutiones revocatæ fuerint per Clementem VIII. & Paulum V; quod, ut jam dixi, non subsistit in facto.

Id unum fateor, quod me multum moveret favore Commissariorum Generalium, videlicet, quod Provinciæ Recollectæ per suos Vocales concurrunt ad electionem Commissarii Generalis cum voce tam activa, quam passiva, qui actus, ab immemorabili tempore exercitus in omnibus Capitulis & Congregationibus Generalibus, arguit subjectionem & recognitionem superioritatis & jurisdictionis electi super ipsos Electores; qui ulterius immediate post electionem obedientiam, ut moris est, præstant electo, deosculando manus &c. Sed quoniam Vocales Indorum, & etiam Germano-Belgici pariter concurrunt cum voce activa & passiva ad electionem Commissarii Generalis, eidemque recens electo obedientiam præstant, & nihilominus ab ipsius jurisdictione exempti deinde sunt, cum Indi in eorum immediatum Superiorem recognoscant Commissarium Generalem Indiarum, & Germano-Belgici suum Commissarium Nationalem, absque eo quod Commissarii Generales Ultramontanæ Familiæ reclamant; non video quare hoc argumentum efficax esse debeat contra solos Recollectos Galliæ, qui non relinquunt Commissarium Familiæ pro alio inferiori Commissario, sed pro Ministro Generali, omnium Commissariorum longe Superiore.

Quibus attentis, Deumque unice præ oculis habens, sum in Voto, officium Ministri Generalis manuteneri debere in sua immediata jurisdictione super Recollectos Galliarum private quoad Commissarium Generalem Ultramontanæ Familiæ: Salvo tamen sapientiori judicio P. V. Reverendissimæ, cujus Sacras Manus reverenter exosculans, maneo = Ex hoc suo Conventu S. Paschalis Baylon, & SS. Quadraginta Martirum Urbis, hac die 7. Augusti 1744. P. V. Reverendissimæ = Addictissimus atque deditissimus Subditus Fr. Petrus Joannetius de Molina, Procurator Generalis Discaleceatorum & Recollectorum,

Num. 3.

*Conceduntur sex  
menses Reveren-  
dissimo Torre, ut  
educat jura sua.*

Proposito dubio = An Recollectorum Galliarum Provinciæ subsint jurisdictioni Reverendissimi Commissarii Generalis Ultramontanæ Familiæ; num potius immediate jurisdictioni Reverendissimi Patris Generalis: Discretorii Generalis Patres censuerunt præfigendos esse terminos Reverendissi-

mo Patri Commissario Generali Ultramontanæ Familiæ, ad deducenda legitimè sua jura; proindeque præfigendum esse terminum sex mensium; & interim demandetur, nihil esse innovandum juxta mentem Reverendissimi Patris Ministri Generalis. Dat. in hoc Conventu Aracoelitano die prima Octobris 1744. &c.

Ita est, Fr. Vincentius Antonius de Caprarola, Diffinitor Generalis.

Fr. Petrus Joannetius de Molina, Proc. Generalis Discalc. & Recoll.

Fr. Alexius de Roma, Procurator Generalis Reform.

Fr. Joannes Franciscus Iduri, Commissarius Generalis Curiz.

Fr. Benedictus Maria de Florentia, Proc. Generalis Ordinis.

Fr. Felix à Roma, Discretus perpetuus Cismontanæ Familiæ.

Fr. Raphael à Lugagnano, Minister Generalis.

Mens autem nostra est, ut durante Lite, & usque ad Sententiam diffinitivam, Reverendissimus Pater Commissarius Familiæ Ultramontanæ à jurisdictione super Provincias Recollectas Galliz se absteat. Fr. Raphael à Lugagnano, Minister Generalis.

Loco ✕ Sigilli. Fr. Joseph Maria de Fano, Diff. Generalis, & Secr. Generalis Ordinis.

Num. 4.

Reverendissime Pater = Obtemperans mandatis P. V. Reverendissimæ iterum calamum assumo ad ostendendum, documenta adducta a Reverendissimo Patre Ludovico Torre ad magis roborandam præsentam Commissariorum Generalium Familiæ Ultramontanæ jurisdictionem super Provincias Galliz Recollectas, nullius prorsus esse momenti; imo parti adversæ omninò favorabilia; exploratum enim est decem esse in Gallia Recollectas Provincias, & ab anno 1670. ad præsens usque octo numerari Commissarios Generales Familiæ in Chronologia P. Julii de Venetiis pag. mihi 346; ex his tres dumtaxat Commissarios Generales, scilicet Samaniego, Hyacintum Fernandes, & Joannem Soto, super aliquas ex dictis Provinciis exercuisse jurisdictionem ex allegatis documentis manifestissime patet; quod mihi argumento est, Reverendissimis PP. Commissariis Generalibus Familiæ nullam penitus competere jurisdictionem super præfatas Provincias; & hoc mihi fortius persuadet, quod actus jurisdictionales, à dd. PP. Reverendissimis exerciti super Provincias Recollectas Galliz, fuerunt a Ministris Generalibus contradicti, ut apertissime constat ex authentico documento Pat-

*Secundum Votum  
R. A. Patris de  
Caprarola, ite-  
rum favore Re-  
collectorum,*

tis adversæ. In eo siquidem reperio Reverendissimum Patrem Samaniego patentes Litteras dedisse sub die 23. Junii an. 1670. cuidam Patri Seraphino, ut procederet contra P. Provinciale S. Dionysii, eo quod protestatus fuerat de nullitate omnium actorum in Capitulo Generali Vallisoletano. At nullum habuerunt effectum ex Decreto Regis sub die 18. Julii, quo sua Regia Majestas præcipit Vicario Provinciali ejusdem Provinciæ, ut judicium Romæ sollicitaret super appellationes interpositas contra Capitulum Generale, & interim nihil innovaretur.

Tres alias patentes Litteras ab eodem Reverendissimo Samaniego pro visitandis Provinciis S. Bernardini, Flandriæ, & Britanniciæ, nullimodè fuisse executione mandatas, ex eodem superacitato documento similiter constat. Etenim Provinciæ Recollectæ reclamarunt, Flandria excepta, quæ ad Recollectos non spectat, sed ad Germano-Belgicos. Et sanè P. Juvenalem Doulcet delegatum fuisse a Reverendissimo Rhini per litteras datas à Magno Conventu Parisiensi die 22. Aprilis anni 1671.; igitur nullum habuerunt effectum. Patentes litteræ a Reverendissimo Samaniego expeditæ die 23. Januarii ejusdem anni. Item in Regesto Provinciæ S. Andrææ reperitur, P. Candidum Campii anno 1695. deputatum fuisse Visitatorem a Reverendissimo Bonaventura Pœrio: ex quo etiam evincitur Patentes datas a Commissario Familiæ 4. Junii 1694. illegitimas habitas fuisse.

Quod verò pertinet ad fratres Recollectos Provinciæ Sanctissimi Sacramenti, quibus Reverendissimus Soto anno 1724. licentiam impertivit transeundi ad Observantes, de mandato Reverendissimi Patris Laurentii a S. Laurentio ad propriam Provinciæ remearunt. Denique licentia concessa a Reverendissimo Patre Ludovico Torre Provinciæ Sancti Bernardini anticipandi Congregationem intermediam ad instantiam quatuor PP. Diffinitorii ann. 1742., fuit revocata a Reverendissimo Cajetano a Laurino, ad quem pariter pro eodem effectû & eodem tempore recursum habuerunt, ut constat ex originalibus litteris ejusdem Patris Reverendissimi; & tres ex illis Patribus Diffinitorii, qui dictam licentiam postularunt a moderno Reverendissimo P. Commissario Familiæ, fuerunt de mandato Regis in exilium missi. Ex quibus constat omnes actus jurisdictionales, exercitos a PP. Commissariis Familiæ, nullius esse roboris & momenti. Imò dato etiam, quòd suum habuissent effectum, non proinde sequitur PP. Commissarios Generales jurisdictionem habere super Provinciis Recollectas; sed probari debet,



debet, quod id scierint Ministri Generales, & patientiam habuerint, ut optimè advertit Pitonus Discept. 160. n. 300. de Episcopo & Abbate, ubi habet: *Actus jurisdictionales, exerciti ab Abbate, non constito de scientia, & patientia Episcopi habentis assertentiam juris, sunt clandestini & turbativi, & nihil ponunt in esse.* Cum ergo Ministri Generales habeant assertentiam juris, uti in alio meo Voto ostendi, ex Constitutionibus Apostolicis, sequitur quod omnes Actus jurisdictionales, exerciti a PP. Commissariis Generalibus Familiæ, sint clandestini, turbativi, & læsivi jurisdictionis Ministri Generalis; adeoque &c. Ita sentio, salvo semper meliori judicio; & manus P. V. Reverendissimæ reverenter deosculor. Romæ ex Araceli die 13. Julii 1745. Ego Fr. Vincentius de Caprarola Definitor Generalis.

Num. 5.

Reverendissime Pater = Examinatis juribus de novo transmissis a Reverendissimo Patre Joanne a Turre, Generali Commissario Ultramontanæ Familiæ, in favorem prætensæ suæ jurisdictionis immediatæ supra Provincias Recollectorum Galliæ, neutiquam deprehendo quidquam ita relevans, quod me cogat mutare sententiam & votum, quod subscripsi die 7. Augusti anni præteriti 1744.

*Secundum Votum  
R. A. Patris de  
Molina, favore  
eorundem.*

Equidem meum Votum innitebatur Litteralibus Constitutionibus Apostolicis Gregorii XIII. *Cum illius vicem* & Clementis VIII. *Pro injuncti nobis*, corroboratis tum Regiis executionalibus Christianissimorum Regum, tum observantia eorundem a fundatione dictarum Provinciarum Recollectarum usque in præsens; & in consequentiam, ut sensum mutarem, necessarium erat, quod Reverendissimus P. Commissarius Generalis probaret, præfatas Constitutiones Apostolicas vel non emanasse, vel contrariis Sanctæ Sedis Sanctionibus fuisse revocatas, vel saltem abrogatas contraria longissimi temporis observantia, qualificata illis omnibus circumstantiis, quæ sufficerent ad inducendam legitimam consuetudinem in contrarium.

Ast in allatis juribus nihil horum deprehendo, quoniam neque laudatarum Constitutionum Gregorianæ & Clementinæ impugnatur existentia, aut revocatio probatur; sed neque infringitur, vel infirmatur observantia.

Quamvis enim indicentur aliqui actus jurisdictionales Commissariorum Generalium super dictas Provincias, & eorum Religiosos; ii tamen actus pluribus capitibus redduntur inefficaces ad concludendam observantiam contrariam.

Primo quidem ex eo, quod docere oporteret de pacifica executione,

tionē, & complemento id: quod minime probatur, Non enim consistunt adducti actus in personali visitatione peracta per Commissarios Generales, aut præsidentia Capitulorum, seu Provincialium Congregationum, & similibus; qui actus ipso facto, ut peraguntur, important exercitium completum jurisdictionis; sed præcisè consistunt in expeditione Patentium Matriti, quæ executionem minime consecutæ sunt in Gallia, sed potius contra easdem alte conclamarunt Provinciæ Recollectæ, uti probatur tum in Summario pro parte earundem typis dato, tum in iuribus, quæ de novo adducuntur; & hoc, siue agatur de Patentibus, quæ concernebant gubernium Provincialium, uti sunt illarum Visitations: siue agatur de Indultis circa particulares Religiosos, uti erant licentiæ concessæ tribus de Provincia Sanctissimi Sacramenti, ut se transferrent ad Provinciam Aquitanicæ recentioris, qui, reclamante prima Provincia, ad eandem redire sunt coacti.

Secundo: Quia paucissimi sunt comparative ad actus jurisdictionales, continuò immediatè exercitos per Ministros Generales super omnes dictas Recollectorum Provincias, & earum Fratres, eosque pacificè; & consequenter pauci illi & incompleti minime attendi merentur ad probandam contrariam observantiam, ut expresse tradit Rota in una Firmana Jurisdictionis, coram Molines §. *Nec prædixit*.

Tertio: Quia illi pauci actus nunquam fuerunt pacifici, sed perpetuo contra ipsos reclamarunt, & hodie etiam reclamant præfata Recollectorum Provinciæ.

Quarto: Quia ex documentis noviter adductis resultat binos Ministros Generales favore Provincialium Recollectarum decrevisse in casibus querelarum, videlicet, Reverendissimus a S. Laurentio, postea S. R. E. Cardinalis, qui *nihil innovari præcepit*: & Reverendissimus a Laurino, qui monitus de dispensatione relaxata per Reverendissimum a Turre, ut Congregatio Provinciæ Sancti Bernardini anticiparetur per aliquot menses, respondit: *illud factum esse contra jus suum*, Ministri nempe generalis.

Assumptum amplius corroboratur reflectendo, quod ab anno 1670. usque ad præsentem, octo numerantur Commissarii Generales Ultramontanæ Familiæ, excluso moderno, cum quo lis est; ex quibus quinque nullum penitus jurisdictionis actum exercuerunt super præfatas Provincias; & solum tres reliqui paucos illos, tot exceptionibus obnoxios, quos insinua-  
vi, exercuerunt. Unde amplius confirmatur observantia Constitutionum Gregorianæ, & Clementinæ pro immediata ju-  
rif-

jurisdictione Ministrorum Generalium . Nam usus hujusmodi suæ jurisdictionis fuit perpetuus, continuus, & pacificus, si-  
ve Ministri Generales fuerint Hispani, siue Itali, Cismontani,  
vel Ultramontani . Provinciæ enim, officium Ministeria-  
tus Generalis ad præscriptum laudatarum Constitutionum  
attendentes, & a personis earumque nationalitate abstrahen-  
tes, religiose paruerunt Ministro Generali, etiam dum erat  
assumptus ex natione sibi non leviter invisa, ut præterito  
sæculo sæpius accidit .

Certe cum illæ Provinciæ singulis trienniis egeant auctoritate  
Superioris Generalis ad celebrationem Capituli Provincialis;  
& item ad celebrationem Congregationis intermediæ; cum  
provisiones ad id necessariæ ob officio Commissariorum Ge-  
neralium minime emanassent, ab officio Ministri Generalis  
emanasse convincuntur . Et quidem tempore quinque illo-  
rum Commissariorum, quos nullum jurisdictionis actum ten-  
tasse memoravi, indubium esse debet . Tempore verò alio-  
rum trium, qui aliquos actus exercere tentarunt, cum suffi-  
cienter constet, eos minime complere potuisse, idem judi-  
cium efformandum est; idque ipsum efficacius comprobatur  
praxi quotidiana, & Regestis Curix Ministrorum Genera-  
lium . Quibus attentis, jussis P. V. Reverendissimæ reveren-  
ter obtemperans, persto in Voto a me subscripto sub die 7.  
Augusti 1744: videlicet, officium Ministri Generalis debere  
manuteneri in sua immediata jurisdictione super Recollectos  
Galliarum Provinciarum privative quoad Commissarium  
Generalem Ultramontanæ Familiæ; salvo tamen sapientiori  
judicio P. V. Reverendissimæ, cujus sacras manus reveren-  
ter exosculans, remaneo = Ex hoc Conventu S. Paschalis  
Baylon & SS. 40. Martyrum Urbis, hac die 14. Julii 1745. =  
P. V. Reverendissimæ humillimus atque devotissimus Ser-  
vus & subditus = Fr. Petrus Joannetius de Molina Procura-  
tor Generalis Discalc. & Recollectorum,

Num. 6.

Reverendissime Pater = Ut mandatis P. V. Reverendissimæ  
obsequar, libenti animo perlegi omnia mihi tradita docu-  
menta super prætenfam jurisdictionem Reverendissimi Pa-  
tris Commissarii Generalis Ultramontanæ Familiæ in Gal-  
liarum Recollectos, eorumque respectue Provincias; &  
visis videndis, consideratisque considerandis, videtur nul-  
limode posse subsistere nec *in jure*, nec *in facto* .

Non *in jure* . Siquidem adsunt Constitutiones, confirmationes  
diversorum Summorum Pontificum, quæ soli, privative  
quoad omnes alios, Ministro Generali talem tribuunt jurisdic-  
tionem;

*Votum R. A.  
Patris Benedicti  
Maria de Flo-  
rentia, Procura-  
toris Generalis  
Ordinis, favore  
eorundem.*



tionem: & quod etiam est magni ponderis, Diplomate Regio communita fuerunt; cum hoc induat rationem legis, & quodammodo juris publici. Hic illas adducere omnino superfluum est, ne semel dicta iterum repetantur, cum per extensum reperiantur & in scriptura efformata, & in votis aliorum Patrum Ordinis, simul cum responsionibus efficacibus ad instantias, si quæ sint, pro Reverendissimo P. Commissario Generali.

Non in facto. Etenim omnia ea, quæ adducuntur ab eodem Reverendissimo Commissario Generali pro sustinenda tali jurisdictione, vel non sunt approbata, vel fuerunt contradicta; quinimmo & sprete taliter, ut quod nunquam ullum habuerunt effectum, sicuti manifeste ostenditur & concluditur ex eadem scriptura & eisdem votis, in quibus talia facta nominantur & refelluntur. Quapropter absque ullo respectu humano, & cum solo respectu ad Deum, judico, quod solus Minister Generalis, privative quoad Commissarium Generalem, debet exercere jurisdictionem in Galliarum Recollectos, & eorum respective Provincias: salvo semper prudentiori judicio P. V. Reverendissimæ, cui me meumque votum submitto, ex Aracœli 21. Julii 1745. Fr. Benedictus Maria de Florentia, Procurator Generalis Ordinis.

#### Num. 7.

*R. A. Pater de Iduri Commissarius Generalis Curiae protestatur de nullitate, casu quo Reverendissimus Pater Generalis pronunciet.*

Reverendissime Pater. Fr. Joannes Franciscus de Iduri, Commissarius Generalis Curiae, humilis subditus, & orator V. Reverendissimæ Patris nitatis, omni obsequio exponit, qualiter ad suas pervenit aures, quod P. V. Reverendissima velit decidere causam jurisdictionis excitatam a R. admodum P. Gravois, Diffinitore generali, nomine Provinciarum Patrum Recollectorum Galliarum, contra R. P. Joannem dela Torre Commissarium Generalem Familiae Ultramontanæ. Quare Orator pro ipso Reverendissimo Patre Commissario Generali, ea, quæ par est, submissione supplicat, ut P. V. Reverendissima dignetur considerare, quod sicut jurisdictio Ministerii Generalis provenit & emanat a Capitulo Generali, ut constat præcipue ex *Lantusc. Theatr. Regularium verb. Generalis n. 2. Et ex Gubernatis tom. 1. Orbis Seraph. pag. 336. Ameno Prax. Crimin. p. 162.*, ita dimanat ab ipso Capitulo Generali jurisdictio Commissarii Generalis Familiae Ultramontanæ tali modo, ut electo Commissario Generali debet Minister Generalis ipsi conferre omnem auctoritatem, seu jurisdictionem concessam & signatam, vel a Capitulo Generali taxatam, sicut indicat Santoro Constit. pag. 623. & Kerckore comment. in General. Stat. pag. 524.

Cum

Cum ergo à R. adm. P. Gravois, Diffinitori Generali, suscitatum sit dubium, *An visis & intellectis aliquibus constitutionibus Apostolicis interpretatis in favorem Recollectorum Et aliquibus actis contrariis dictis Constitutionibus, jurisdictio in Provinciis Recollectorum pertineat Ministro Generali in Italia existente, an vero Commissario Generali Familiae Ultramontanae?* hoc est dubium, quod meo videri resolvi non debet a V. P. Reverendissima. Primo, quia cum materia principalis in isto dubio sit jurisdictio & auctoritas propria P. V. R., non videtur congruum, nec conveniens, quod P. V. Reverendissima sit iudex, juxta notissima legum principia.

Secundò, quia cum ista decisio debeat transire in tempora futura, compelleret Successores ad idem, contra illud axioma legale: *Par in parem non habet imperium*. Unde comprehendit P. V. Reverendissima necessitatem remittendi decisionem prædicti dubii ad proximum promulgatum jam Capitulum Generale, ad quod pertinet accrescere, vel minuere jurisditionem omnium Ordinis Superiorum respectivè. Unde Orator, etsi judicet, & pro comperto habeat, experientia teste, quo V. Reverendissima Paternitas justè, prudenter, & solita rectitudine in casu judicabit; constringitur talibus legalibus rationibus ad protestandum, uti protestat de nullitate, semper ac P. V. Reverendissima Sententiam ferat; supplicando, quod P. V. Reverendissima ignoscat, si Orator ratione officii constringitur ad hunc actum valde necessarium ad honorem Familiae Ultramontanae, & indemnitatem auctoritatis Superiorum Generalium Familiae Ultramontanae.

Num. 8.

Fr. Raphael à Lugagnano, Lector Emeritus, Catholicae Majestatis in Regali Congressu Matritensi pro Immaculata Conceptione Theologus, ac totius Ordinis Fratrum Minorum S. P. N. Francisci Minister Generalis, Commissarius Visitator Apostolicus, & Servus.

Cum Pater Fr. Joannes de la Torre, Commissarius Generalis Familiae Ultramontanae, quosdam actus jurisdictionales exercuisset super Recollectos Galliae, illico reclamaverunt iidem coram bo. me. Patre, Fratre Cajetano à Laurino, Praedecessore nostro, prætendentes, se vigore variarum Constitutionum Apostolicarum, Statutorum suorum Municipium, & Consuetudinis immemorabilis, dictis Familiae Commissariis nullimode subjacere, sed solummodo Ministris Generalibus Ordinis pro tempore existentibus; ac instituerunt, ut eidem Patri Joanni de la Torre, ac aliis Familiae Ul-

*Rm̃us Pater Minister Generalis remittit decisionem Cause beniguitati Sanctissimis suis.*

tramontana Commissariis Generalibus pro tempore existentibus prohiberet, ne similes actus imposterum exercere auderent; admissio, ac recepto recurso, ipsum Patri Joanni Dela Torre transmisit idem Prædecessor noster, mandans, ut super eo sua deduceret jura, prout fecit sub die 17. Novembris anni 1743.; cumque exinde Patres Recollecti eidem Patri Cajetano à Laurino scripturam cum Summario typis impressam exhibuissent, in qua ipsorum confirmabatur totalis à Commissariis Generalibus Familiæ independentia; hæc quoque Patri Commissario Dela Torre fuit remissa, qui respondens sub die 17. Februarii anni 1744. varia deduxit ad propugnandam prætentam suam jurisdictionem; eisque deductis, judicio ejusdem nostri Prædecessoris se libentissimè submisit, ut legitur in ipsius Patris Commissarii Epistola, ibi = Hæc sunt, Reverendissime Pater, quæ mihi pro nunc occurrerunt zelo, prudentiæ, ac æquitati V. P. Reverendissimæ proponenda ad satisfaciendum objectis à R. Patrè Gravois. *Vestra æquitatis erit judicium ferre, necum in omnibus obedire* = E vivis sublato memorato nostro Prædecessore, iterum apud nos insiterunt Patres Recollecti pro ultima Litis decisione; unde die prima Octobris anni mox elapsi omnes Discretorii Generalis Patres, in Urbe existentes, congregavimus; & consilio super præfata Causa cum ipsis habito, Decretum edidimus, quo Patri Commissario Dela Torre præcepimus, ut infra terminum sex mensium sua jura legitime ulterius deduceret, prohibentes eidem, ne ullum jurisdictionis actum super Recollectos Galliæ exerceret usque ad finalem causæ Decisionem; quod quidem provisionale Decretum admisit idem Pater; eique, ut par erat, obtemperavit. Cumque sua jura, pro tertia vice, nobis præsentari curasset, ac pro Decisione Litis instantiam iterum renovassent Galliæ Recollecti, votum in scriptis exquisivimus quatuor Ordinis nostri Patrum: quorum tres absolute censuerunt, dictos Recollectos in omnibus, & per omnia immediate subesse Ministro Generali Ordinis; nullamque super eos Commissariis Generalibus Familiæ competere jurisdictionem; Quartus verò in voto fuit, nos non posse causam decidere, eo inter alia ductus motivo, quod ageretur de nostra jurisdictione, quodque nemo potest in propria causa esse Judex, neque judicare, an sua sit jurisdictio. Omnibus autem attentè & maturè per nosmetipsos discussis & examinatis, cognito ad evidentiam, jus omne pro Recollectis Galliæ stare; perpenso insuper, quod discordias & lites inter Religiosos nostræ curæ commissos, non sine Re-



ligioſæ pacis, & paupertatis Franciſcanæ præjudicio exor-  
tas, extinguere ac terminare, noſtri eſſet muneris & officii;  
quodque de noſtra juridiſtione dubitandum nobis non eſ-  
ſet, præſertim cum à duobus annis à partibus Collitigantibus  
ſemper recognita fuiſſet, & pro legitima admiſſa; determi-  
navimus Sententiam pronuntiare; & negotium, ſpatio duo-  
rum & ultra annorum ad naufeam uſque diſcuſſum &  
examinatum, terminare. Sed ex improviſo coram nobis ſte-  
tit Pater Joannes Franciſcus de Iduri, in hac Romana Curia  
Commiſſarius Generalis, proteſtans de nullitate judicij, caſu  
quo ad dictam Sententiam deveniremus. Quare conſilium  
& votum pro veritate in ſcriptis exquiſivimus ab Illuſtriſſi-  
mo Domino Hieronymo Tozzio, Sacri Conciſtorij Advoca-  
to; cujus mens & reſolutio fuit, nos in hac cauſa judicare  
poſſe, & proteſtationem, a Patre de Iduri, ut ſupra, factam,  
nimis ſerotinam eſſe, ac in nihilo prorsus attendendam;  
tum quia Pater Commiſſarius Torre ſpatio duorum anno-  
rum factis & ſcriptis in juridiſtione noſtram & noſtri  
Prædeceſſoris conſenſit, præſertim in Epistoſa ſupra relata;  
tum etiam quia Pater de Iduri proteſtans eamdem juridi-  
ſtione ut legitimam pluries agnovit, ſive dum jura à Pa-  
tre Torre ſibi tranſmiſſa nobis præſentavit, ſive dum De-  
cretum provisionale die 1. Octobris emanatum ipſemet, ut  
Commiſſarius in Curia Romana, ſubſcripſit. Quia tamen  
idem Dominus Advocatus Tozzius ulterius fuit in voto,  
nos non teneri ad Cauſam definiendam, ſed poſſe, imo de-  
bere ex lege decentiæ & honeſtatis, noſtra juridiſtione non  
uti, & cauſam ad aliud Tribunal remittere; ideo Cauſam  
hanc definiendam remittimus ad ipſam Sanctitatem Suam,  
de cujus erga Ordinem noſtrum benignitate ſperamus, quod  
ipſam auctoritate ſua Apoſtolica terminare non dedignabi-  
tur. Datum in hoc Conventu Sanctæ Mariæ de Aracoeli  
die 23. Auguſti 1745.

Fr. Raphael à Lugagnano, Miniſter Generalis

Beatiffime Pater = Pro parte decem Provinciarum Recollec-  
torum Ordinis S. Franciſci in Gallia exiſtentium, Sanctitati  
Vestræ humillimè repræſentatur, qualiter inter alia; pro ſe-  
ſſici ac proſpero ipſorum gubernio à Clément VIII. in ſua  
Conſtitutione = *Pro injuncti nobis* = ſub die 26. Martij 1601.  
diſpoſita, unum fuit, quod iidem à ſolo Miniſtro Generali Or-  
dinis, nullo autem modo ab aliis Superioribus ſive Com-  
miſſariis de Obſervantia gubernarentur, & hoc cum Decre-  
to & Clauſula irritante, cum expreſſa derogatione Bullæ

Num. 9.  
*Recollekti ſuppli-  
cant Sanctitatem  
Suam, ut digne-  
tur Cauſam deci-  
dere.*

Leonis X. *Unionis* nuncupata, sub pœnis excommunicationis latae sententiæ, ipso facto incurrendæ ab omnibus, qui aliqua in contrarium attentarent, & sublata facultate tam generalibus Ordinis Capitulis, quam quibuscumque aliis Tribunalibus, aliquid in contrarium peragendi; & licet Commissarii Generales Ultramontanæ Familiæ, vi præfatæ Bullæ *Unionis* electi, suam aliquando jurisdictionem super præfatos Recollectos extendere tentaverint, nunquam tamen illud consequi potuerunt; imò, cum in Capitulo Generali, anno 1670. Vallisoleti celebrato, Vocales Recollecti induti fuissent ad declarandum in scriptis, se in legitimos Superiores admittere dictos Generales Commissarios pro tempore existentes, audita in Provinciis tali declaratione, unanimiter ab omnibus, ut nulliter & attentatè extorta & facta, fuit rejecta; & quædam Patentes Litteræ, vigore illius, à Commissario Familiæ tunc electo expeditæ, absque ulla nec executione, nec publicatione in Gallia remanserunt; & ab eo tempore usque ad præsens dictæ Recollectorum Provinciæ à solis Ministris Generalibus inconcussæ & inalterabiliter fuerunt gubernatæ. Cum autem, his non obstantibus, Pater Joannes de la Torre, modernus Familiæ Ultramontanæ Commissarius, varios jurisdictionis actus super dictos Recollectos, non sine magna eorundem perturbatione & inquietudine, exercere tentasset, Superiores dictarum decem Provinciarum unanimiter apud Ministrum Generalem Ordinis recursum habuerunt ad hoc, ut prohiberet eidem Patri de la Torre, aliisque Familiæ Ultramontanæ Commissariis Generalibus pro tempore existentibus, ne eosdem Galliæ Recollectos, eorumque Provincias perturbare auderent, ullumque jurisdictionis actum super illos exercere, sub pœnis in memorata Clementis VIII. Constitutione contentis; Causâque coram eodem Patre Generali spatio duorum annorum agitâtâ, & pluries discussis Partium rationibus, ac habito in scriptis Voto Patris Procuratoris Generalis totius Ordinis; Patris de Molina Provinciæ Discalceatorum Valentini in Hispania primi Patris; & eorundem Procuratoris Generalis; ac Patris Vincentii Antonii de Caprera Observantis Provinciæ Romanæ Ex-Provincialis, & totius Ordinis Diffinitoris Generalis, qui omnes unanimiter declararunt, ut fuerunt in Voto, constare de bono jure Recollectorum; sperabant iidem Recollecti Sententiam tandem decisivam obtinere. Sed Pater Generalis, quibusdam præpeditis scrupulis, sequens tantum protulit Decretum, videlicet = *Fr. Raphael à Lugagnana* . . . Cum Pater Fra-

*ter Joannes de la Torre &c. ... ut in numero antecedenti.*

Attentis igitur omnibus supra expositis, ac præsertim, quod Pater Generalis in præsentì Decreto testatur, se ad evidentiam agnovisse, jus stare pro Oratoribus, seque; post examen Causæ ad nauseam usque factum, paratum & promptum fuisse ad pronuntiandum favore Oratorum; sed postea ob metum scrupulum à ferenda Sententia abstinuisse; attento Voto trium ex principalioribus Ordinis Patribus, idem unanimiter sentientium, quorum duo sunt Observantes Italiæ, & alius Hispaniarum Discalceatus; attento tandem, quod jus Oratorum fundatur super citatam Bullam Clementis VIII. à variis Pontificibus confirmatam, super omnia Recollectorum Galliæ Statuta municipalia, & super praxim ab immemorabili tempore nunquam interruptam, prout notoriè agnoverunt tum Pater Generalis, tum memorati Ordinis Patres; Sanctitatem Vestram humillimè supplicant Oratores, ut per Litteras in forma Brevis declarare dignetur, dictas Recollectorum Provincias, in Gallia existentes, soli Ministro Generali Ordinis esse subiectas, & nullimodè Commissariis Generalibus Familiæ Ultramontanæ; ac proinde sub pœnis in memorata Clementis VIII. Constitutione contentis, Patri Joanni de la Torre, ac aliis pro tempore existentibus Familiæ Commissariis, prohibere, ne ullo modo præfatas Provincias, earumque Religiosos perturbare & inquietare audeant, ac vel ullum minimum jurisdictionis actum super eas vel eos exercere; & similiter Recollectis inhibere, ne ad dictos Commissarios recursum habeant, aut ipsorum mandatis obediant. Et Deus &c.



Al Padre Generale, che col Delfinitorio termini la presente controversia. 11. Settembre 1745. = **BENEDETTO PP. XIV.**

Num. 10.

*Rescriptum Sanctissimi.*

Dalla Segreteria di Stato 11. Settembre 1745. = Vedrà il Padre Generale dall' Oracolo di Nostro Signore, scritto di sua propria mano in dorso della supplica presentata dai Padri Recollecti della Francia, quale sia l' intenzione della Santità Sua per dar fine alla consaputa Controversia; tanto appunto desidera, che sia eseguito.

Num. 11.

*Epistolum Emimentissimi Domini D. Secretarii Status.*

In Nomine Domini Amen = Cum Sanctissimus per suum Rescriptum, propria manu exaratum die 11. currentis Septembris, nobis infrascriptis præcipere dignatus sit, ut controversiam jurisdictionalem inter Rmum P. Torre Commissarium

Num. 12.

*Sententia favore Recollectorum emanata.*



Generalem Ultramontanæ Familiæ, & Provinciæ Recollectorum Galliæ vertentem, terminemus; in unum congregati, visis omnibus videndis, ac pluries examinatis rationibus hinc inde deductis, Deum solum præ oculis habentes, *unanimiter, ac concorditer omnes, & singuli declaravimus; decrevimus ac pronuntiavimus*, Provincias Recollectorum Galliæ, solius Ministri Generalis totius Ordinis pro tempore existentis, nullimodè autem Commissariorum Generalium Ultramontanæ Familiæ jurisdictioni, subesse & subjacere; ac proinde sub pœvis contentis in Constitutionibus Gregorii XIII. & Clementis VIII. super his emanatis, tam Reverendissimo Patri de la Torre, quàm aliis Ultramontanæ Familiæ Commissariis Generalibus pro tempore extituri, inhibemus, ne super easdem Provincias, ipsarumque Religiosos ullum jurisdictionis actum exercere audeant; prohibentes pariter iisdem Recollectis sub memoratis pœnis, ne ad præfatos Commissarios recursum habeant, vel ipsorum mandatis obediant. Datum Romæ in Conventu de Aracoeli die 20. Septembris 1745.

Fr. Raphaël à Lugagnano Minister Generalis.

Fr. Benedictus Maria de Florentia Procurator Generalis Ord.

Fr. Joannes Franciscus Iduri Commissarius Generalis Curia.

Fr. Alexius à Roma Procurator Generalis Reformatorum.

Fr. Petrus Joannetius de Molina Procurator Generalis Discretorum & Recollectorum.

Fr. Vincentius Antonius de Caprarola Diffinitor Generalis.

Fr. Joseph Maria de Fano Diffinitor Generalis.

Loco ✕ Sigilli.

Num. 13.

*Decretum Provincie Recollectorum S. Dionysii in Gallia, Ex Summario olim præsentato Reverendissimo à Laurino.*

In Nomine Domini Amen = Extractum ex Actibus Capituli Provincialis FF. Minorum Recollectorum Provinciæ S. Dionysii in Gallia, celebrati in Regio Versallienſi Conventu die 1. Decembris 1743.

Diffinitorium & Discretorium Provinciæ, omnibus unanimiter consentientibus, declarat, ac de novo decernit, velle manuteneri in possessione immemorabili, quâ gaudent omnes nostræ Recollectorum Galliæ Provinciæ, conformiter ad Bullam Clementis VIII., ad Decreta Suae Majestatis, ad Statuta edita & approbata pro universa Natione, & præsertim ad Municipalia nostræ Provinciæ, in Parlamento placetata anno 1715., dependendi videlicet immediatè a solo Reverendissimo Patre totius Ordinis S. Francisci Ministro Generali, ac nullo modo recognoscendi auctoritatem Reverendissimi Patris Commissarii Familiæ. Et approbamus

mus, quidquid usque nunc fecit, & in futurum faciet R. A. P. Marcus Antonius Gravois Sacrae Theologiae Lector, Ex-Custos, Ex-Procurator Generalis, & actualis Diffinitor Generalis Ordinis, quem rogamus, ut in hoc negotio Procuratoris nostri munus exerceat, Sic terminata est praesens Sessio: in quorum fidem omnes subscripsimus.

Fr. Cherubinus Dumas Commissarius Visitator.

Fr. Blasius Desbornes Minister Provincialis.

Fr. Edmus Villemens Ex-Vicarius Provincialis.

Fr. Candidus Chalippe Provinciae Pater, & Custos.

Fr. Joannes Franciscus Alixand Diffinitor.

Fr. Gerius le Marie Diffinitor.

Fr. Polycarpus Motte Diffinitor.

Fr. Benedictus Ferraris Diffinitor.

Ex Provincia Britanniae = R. P. Stephanus le Goff Provincialis, *Elenchus Patrum*  
& R. P. Mauritius Godefroy pro tertia vice Ex-Provincialis. *omnium Provin-*

Ex Provincia S. Andrae in Belgio = R. P. Bruno de Vocula Pro-  
vincialis = R. A. P. Gildardus Duflos Ex-Procurator Gene-  
ralis, & R. Pater Laetantius Gorlier pro tertia vice Ex-Pro-  
vincialis. *ciarum, qui tunc*  
*temporis scripse-*  
*rant contra pra-*  
*tensionem Rmi*

Ex Provincia S. Bernardini = R. P. Gelasius Mouttet, qui fuit  
ter Provincialis = R. P. Marcus Antonius Aubert Ex-Provin-  
cialis, & Patres Renatus Bilhion, & Cherubinus Dumas, *Torre, & quo-*  
*rum litterae pra-*  
*sentatae fuerunt*  
*Rmo à Laurino.*  
ambo Diffinitores, & ex-Custodes.

Ex Provincia Immac. Conceptionis = R. P. Honoratus Chastil-  
lon Provincialis. *Ex eodem Sum-*  
*mario.*

Ex Provincia S. M. Magdalenae = R. P. Dominicus Lecurevil  
Provincialis. R. P. Eliseus Riollan, qui fuit ter Provincialis,  
& est Custos actualis; & R. P. Benignus Hubert Ex-Pro-  
vincialis.

Ex Provincia Lugdunensi; seu S. Francisci = R. P. Justinus  
Chambon Provincialis, & R. P. Alexander de la Forge pro  
secunda vice Ex-Provincialis.

Ex Provincia SS. Sacramenti = R. P. Anselmus Vezy Provin-  
cialis, & R. P. Martinus Beynier Ex-Provincialis.

Ex Provincia S. Antonii in Arthesia = R. P. Antonius Hemart  
Provincialis, & R. P. Aubertus Hazard Ex-Provincialis.

Ex Provincia S. Nicolai in Lotharingia = R. P. Placidus Tro-  
tyanne Provincialis.

Nos Discreti Provinciales Fratrum Minorum Recollectorum  
Provinciae S. Nicolai in Lotharingia, omnes unanimiter  
consentientes declaramus, & constanter statuimus, velle

Num. 14.  
*Alia Decreta à*  
*Provinciis trans-*  
*missa post intro-*

*duccionem causa.  
Provincia S. Ni.  
colai.*

nos indefinenter frui possessione immemorabili, qua gaudent omnes Recollectorum Provinciae, in Gallia stabilitae, conformiter ad Bullam Clementis VIII., ad Decreta Suae Majestatis, ad Statuta edita & approbata pro universa illius Regni Natione, ac praesertim ad municipalia nostrae Provinciae in Parlamento Nanceio in Lotharingia placetata anno 1737., dependendi scilicet immediate à solo Reverendissimo Patre totius Ordinis Ministro Generali, neque ullo modo agnoscendi auctoritatem Reverendissimi Commissarii Familiae. Quapropter Ministri Generalis, Patris ac Pastoris nostri amantissimi, bonitatem benevolentiamque humillime deprecamur, ut nos tamquam suas oves proprias, more Praedecessorum suorum, per se regere & pascere in perpetuum dignetur. In quorum fidem omnes subsignavimus die 18. Decembris anni 1744. apposito nostro Sigillo majori = Loco ✕ Sigilli.

Fr. Placidus Trotyanne Sacrae Theologiae Lector, Minister Provincialis.

Fr. Berardus Heurion bis Provincialis, & primus Provinciae Pater.

Fr. Amselinus Eurard antiquus Lector, ex-Provincialis.

Fr. Henricus Toussaint Sacrae Theologiae Lector, Custos.

Fr. Benedictus Noirel Diffinitor.

Fr. Bernardinus Barbasson Diffinitor.

Fr. Carolus Rouget Diffinitor, & Diffinitorii Secretarius.

*Provincia Immaculatae Conceptionis.*

Nos infra scripti, in Conventu Regio de Pontibus, pro secunda Congregationis intermediae celebratione congregati, declaramus attestamurque, hanc Provinciam Immaculae Conceptionis, aliarum Galliae Provinciarum instar, uni Reverendissimo Patri Ministro Generali totius Ordinis S. Francisci dependentiam vovisse: ab illo solo à tempore ferme immemorabili Commissarios accepisse: nec Reverendissimo Familiae Commissario subjacuisse. Res ita esse statutas ordinatasque firmiter tenemus, atque edocti sumus tum diuturna consuetudine ac statutis nostris municipalibus, tum Bulla Clementis VIII. ac edictis Regiis. In quorum fidem subscripsimus omnes in hoc Conventu Regio de Pontibus hac die 20. Junii 1744.

Fr. Honoratus Chastillon Minister Provincialis.

Fr. Junianus Duboucher ex-Provincialis.

Fr. Paulinus Maisson-grande Custos Custodum.

Fr. Theodosius Picon Diffinitor.

F. Florentius André Diffinitor.



Fr. Ferdinandus Lamaziere Deffinitor.

Fr. Celsus Muret Deffinitor, & Deffinitorii Secretarius.

Adest alia similis declaratio die 25. Junii 1745., ab iisdem, & a viginti sex Guardianis subscripta.

*Iterum eadem,  
cum subscriptio-  
ne etiam omnium  
Guardianorum.*

Diffinitorium & Discretorium hujusce Recollectorum Provinciae Britanniae, omnibus unanimiter consentientibus, declarat, ac de novo decernit, velle manuteneri in possessione immemorabili, & nunquam interrupta, qua gaudent omnes nostrae Recollectorum Galliae Provinciae, conformiter ad Bullam Clementis VIII., ad Decreta Suae Majestatis, & ad nostra municipalia Statuta: dependendi videlicet immediate à solo Reverendissimo Patre totius Ordinis Ministro Generali; ac nullo modo recognoscendi auctoritatem Reverendissimi Patris Commissarii Familiae: & approbat quidquid usque nunc super hoc negotio fecit, & in futurum faciet R. A. Pater Marcus Antonius Gravois Diffinitor Generalis Ordinis, quem rogat, ut pro eodem terminando Procuratoris Provinciae munus & officium exerceat. Datum

*Provincia Bri-  
tanniae.*

Landerniae die 26. Septembris anni 1745.

Fr. Benignus Hubert Commissarius Generalis.

Fr. Jacobus Abgrali Minister Provincialis.

Fr. Stephanus Le Goff ex-Provincialis.

Fr. Mauritius Godefroy Provinciae Pater.

Fr. Innocentius Hævis Custos Custodum.

Fr. Clemens Rosselin Diffinitor.

Fr. Julianus Moisson Diffinitor.

Fr. Joannes Maria le Behec Diffinitor, & Diffinitorii Secret.

Extractum è Sessione Deffinitorii, Lugduni congregati tempore Provincialis Capituli die 11. Maii Matutinis horis anni 1745.

Deffinitorium Provinciae S. Francisci in Gallia Recollectorum, attendens ad usurpationes Reverendissimi Patris Dela Torre Commissarii Familiae, pratendentis, sibi jurisdictionem in Provincias Recollectorum Galliae arrogare, declarat, se firmiter adhaerere velle Decretis Pontificiis, & Regiis, quibus nostrae praedictae Provinciae semper immunes sunt factae à jurisdictione alterius Superioris de Observantia, cujuscumque sit dignitatis, à Reverendissimo Patre Ministro Generali totius Ordinis, cui soli pro tempore existenti semper immediate subjacuerunt, & imposterum subjacere statuerunt in-

*Provincia Sancti  
Francisci, seu  
Lugdunensis.*

depen-ter ab omni alio Superiore Generali, ut constat invariabili & immemorabili illa possessione, in qua se hucusque custodierunt, & in qua Provincia nostra testificatur meliori modo, quo possibili, velle manuteneri; & ideo nos subsignati approbamus quidquid R. A. Pater Marcus Antonius Gravois Diffinitor Generalis in hoc negotio gesit; & ei potestatem facimus, jus nostrum ita prosequendi, ut in posterum tam à dicto Reverendissimo Patre Dela Torre, quam à suis Successoribus in officio Commissarii Familiæ, perturbari & lædi non possit. Actum in Diffinitorio, tempore Capituli Provincialis congregato die 11. mensis Maij anni 1745.

Fr. Marcus Antonius Aubert Commissarius Generalis.  
 Fr. Salvianus Morin Minister Provincialis.  
 Fr. Alexander Dela Forge ex-Provincialis.  
 Fr. Justus Perron Custos.  
 Fr. Germanus Plagniard Diffinitor.  
 Fr. Andeolus Mouet Diffinitor, & Diffinitorii Secret.  
 Fr. Policarpus Rambos Diffinitor.  
 Fr. Albertus Morin Diffinitor.

*Provincia Sanctissimi  
 Diffiniti Sacra-  
 menti.*

*Simile Decretum  
 jam fecerat anno  
 1688.*

Diffinitorium, & Discretorium Provinciæ Sanctissimi Sacramenti Fratrum Minorum Recollectorum in Gallia, firmiter inhærens Decreto protestationis contra prætentam Superioritatem Reverendissimi Patris Commissarii Generalis Cismontanæ Familiæ supra nostram Provinciā, Decreto quidem facto per Diffinitorium die 2. Februarii anni 1688. in Conventu nostro Brivæ, tempore Congregationis in eodem celebratæ pro proximo accessu Vocalium Provinciæ ad Capitulum Generale, jam tunc temporis citatum, & Romæ celebrandum. Porro Decretum Diffinitorii Provinciæ nostræ ea occasione factum, cui de novo inhæremus, quodque, in quantum opus est, renovamus, scriptum legitur lib. 3. Regestorum Provinciæ ejusdem nostræ pag. 46. his verbis.

Quia Reverendissimus Pater Commissarius Generalis Familiæ Cismontanæ Litteras citatorias pro celebratione Capituli Generalis sub signo sigilloque suis in nostra Provincia publicare fecit, quasi ipsi subjiceremur (quod sibi persuasum esse, factum illud innuit) Diffinitorium huic usurpatæ à Reverendissimo Commissario Familiæ Cismontanæ supra nos jurisdictioni, in quantum nunc opus est, totis viribus sese opponit, injungens Patribus nostris Vocalibus ad Capitulum Generale jamjam accessuris, ut unâ cum aliis Recollectis Galliæ de hoc in Capitulo Generali conquérantur. Et sic terminatur;

Quia

Quia autem Reverendissimus Pater Joannes Dela Torre Commissarius Generalis actualis Familiæ Cismontanæ, suas patentes Litteras ex Matrito die 1. Januarii anni currentis 1745. unâ cum encyclicis Reverendissimi Patris Ministri Generalis ad nostram Provinciam direxit pro celebratione Capituli Generalis proximè futuri, pluresque alias patentales Litteras idem Reverendissimus Commissarius Generalis ad hanc nostram Provinciam, vel etiam ad aliquos particulares Fratres ejusdem, direxit labente hoc ultimo triennio, Diffinitorium & Discretorium nostræ Sanctissimi Sacramenti Provinciæ, omnibus unanimiter consentientibus, declarat, sese totis viribus hic & nunc opponere, sicut, & in quantum opus est, sese de facto opponit executioni quarumcumque patentium Litterarum à Reverendissimo Commissario Familiæ Cismontanæ directarum vel ad Provinciam ipsam, vel ad aliquem Provinciæ particularem Fratrem. Quapropter publicationem prædictarum patentium Litterarum, pro celebratione Capituli Generalis proximè futuri missarum per Reverendissimum P. Joannem Dela Torre Commissarium Generalem Familiæ Cismontanæ, apud nos publicari vetat Diffinitorium & Discretorium; Quod è contra, eâ qua par est obedientiâ, zelo, & submissione suscipiens easdem Litteras encyclicas ad Provinciam missas immediatè per Reverendissimum Patrem Ministrum Generalem, easdem in hoc præfenti Capitulo, & in tota Provinciâ publicari, & observari præcipit idem Diffinitorium, & Discretorium: Decernens præterea, se velle manuteneri in possessione semper firma, & nunquam interrupta, quâ gaudet Provincia nostra ab erectione sua, conformiter ad Bullam Clementis VIII. & Decrèta Regiæ, nec non & ad Statuta edita, & approbata pro Provinciis Recollectorum Galliæ, dependendi videlicet immediatè à solo Reverendissimo Patre Ministro Generali totius Ordinis S. P. N. Francisci, ac nullo modo recognoscendi auctoritatem Reverendissimi Patris Commissarii Familiæ. Et approbamus quidquid hucusque fecit, & in futurum faciet R. A. P. Marcus Antonius Gravois actualis Diffinitor Generalis totius Ordinis, quem enim deprecamur, ut in hoc negotio Procuratoris nostri munus agere dignetur. Actum in Sessione communi Diffinitorii, & Discretorii Provinciæ Sanctissimi Sacramenti Fratrum Minorum Recollectorum in Gallia, tempore celebrationis Capituli Provincialis in Conventu Tutellæ die 22. mensis Majian. 1745. sub signis nostris, & majori Provinciæ Sigillo, hora pomeridiana.



*Subscribunt Pa-  
tres novi & ve-  
teris Diffinitorii  
cum omnibus  
Guardiavis.*

Fr. Martinus Beynier Commissarius Generalis.  
Fr. Simeon Vergne Minister Provincialis.  
Fr. Anselmus Vezy ex-Provincialis.  
Fr. Celsus Vachon primus Provinciae Pater.  
Fr. Ludovicus Custos.  
Fr. Marcellus Lacroix primus Definitor.  
Fr. Mathæus Moussours secundus Definitor.  
Fr. Patritius Martin tertius Definitor.  
Fr. Onesimus Certocin quartus Definitor.  
Fr. Norbertus Gressajche ex-Custos.  
Fr. Hieronymus Dufaget ex-Definitor.  
Fr. Bruno Ladoux ex-Custos & ex-Definitor subrogatus.  
Sequuntur subscriptiones omnium Guardianorum.

Num. 15.

*Pater Polycar-  
pus Milet à Re-  
verendissimo Rhi-  
ni fuit deputatus  
in Visitatorem  
Provinciae, tunc  
Custodiæ S. Ni-  
colai in Lotha-  
ringia.*

Elenchus Commissariorum Visitatorum, qui ad Provinciam,  
& respectivè Custodiam S. Nicolai in Lotharingia missi sunt.  
Primò = R. P. Berardus Heurion, à Reverendissimo Patre  
Cajetano à Laurino anno 1742. deputatus. 2... 23. R. Pa-  
ter Polycarpus Milet Provincia S. Dionysii à Francisco Ma-  
ria Rhini die 28. Aprilis 1671. Deputatus 24... Hæc se-  
ries Commissariorum à Reverendissimis Patribus Ministris  
Generalibus nostris nominatorum, & ad nos missorum, evi-  
denter probat, nulli unquam alteri jurisdictioni nos subja-  
cuisse, neque alterum ab ipso Patrem agnovisse, sicuti nec  
agnoscere nunc volumus, nec possumus. Hæc autem series  
est accurata, & ex Archivis nostris fideliter excerpta; in-  
cujus veritatis fidem &c. Die 13. Januarii 1744. Fr. Placidus  
Trotianne Minister Provincialis Recollectorum S. Nicolai  
in Lotharingia. Fr. Berardus Henrion primus Provinciae  
Pater. Fr. Anselmus Eyraud ex-Provincialis. Fr. Benedictus  
Noirel Definitor.

Num. 16.

*Pater Juvena-  
lis Doucet an-  
no 1671. fuit ad  
Provinciam Bri-  
tanniam missus Vi-  
sitor ab eodem  
Ministro Gene-  
rali.*

Series Commissariorum super Provinciam Britanniae delega-  
torum.

Anno 1671. R. P. Juvenalis Doucet ex Definitor Provincia  
S. M. Magdalene missus fuit Commissarius in istam Britan-  
niæ Provinciam per Patentes Reverendissimi Patris Ma-  
ria Rhini à Polito Ministri Generalis, datas in Magno  
Conventu Parisiorum de Idie 22. Aprilis 1671. Subscr.  
Fr. Franciscus Maria Rhini à Polito M. Gener. De mandato &c.  
Fr. Antonius à Lossada Henriques Secret. Gener.

Anno 1674. R. P. Laimer ex-Provincialis Provinciae Recolle-  
ctorum Immaculatae Conceptionis missus fuit Commissarius

ab eodẽm Reverendissimo Patre Francisco Maria, &c.

Hæc omnia sunt accuratè & fideliter sumpta ex libro nostræ  
Provinciæ Recollectorum Britannia. In quorum fidem Si-  
gillum majus apposuimus, & sic subscripsimus anno 1744.  
Fr. Stephanus le Goff Minister Provincialis. Fr. Nathanael  
Baylon primus Diffinitor. De mandato S. R. A. Paternita-  
tis, Fr. Didacus le Verenne Secret. = Loco ✕ Sigilli.

Num. 17.

R. P. Hiacy-

Extractum è Registro Provinciæ S. Andræ Fratrum Minorum  
Recollectorum in Belgio = Nomina R. A. Patrum Commis-  
sariorum ab anno 1688. usque ad præsens tempus, qui Pro-  
vinciam visitaverunt. . . . 3. Anno 1695. R. A. Pater Hia-  
cynthus le Fevre ex-Diffinitor Generalis, & Provincialis  
actualis Provinciæ S. Dionysii in Gallia, institutus est Visi-  
tator, ac Præses Capituli Provincialis à Reverendissimo Patre  
Bonaventura Poeria totius Ordinis Seraphici Generali Mi-  
nistro. Anno 1698. R. Pater Oliverius Juvernay, ejusdem  
Provinciæ S. Dionysii Lector Theologus, electus est à Re-  
verendissimo Patre Matthæo à S. Stephano Generali Mini-  
stro... Hæc extracta sunt ex Registro Librorum Provinciæ San-  
cti Andræ FF. Minorum Recollectorum in Belgio. In quo-  
rum fidem subscribimus Duaci in Flandria 4. Septembris  
1745. Fr. Bruno Devaulx Minister Provincialis, & Nota-  
rius Apostolicus.

thus le Fevre à  
Rmo Bonaven-  
tura Poeria anno  
1695. in Visita-  
torem Provincia  
S. Andræ suis  
deputatus.

Num. 18.

Diffinitorium

Extractum è Regeſto Provinciæ Recollectorum S. Bernardini  
in Gallia = Sessio Secunda Capituli Provincialis, habita 10.  
Septembris 1741. = Ut non attentetur auctoritati Reverendis-  
simi Patris Generalis, & coherentur ad Bullas Apostolicas,  
& Decreta Regia, quibus nobis prohibetur, alios à Mini-  
stris Generalibus agnoscere Superiores, præcipit Diffinito-  
rium, ut Epistola Reverendissimi Patris à Torre Familiæ  
Commissarii eradatur è Conventuum Regeſtis, in quibus  
fuit inserta.

Provincia San-  
cti Bernardini  
sub die 10. Se-  
ptembris 1741.  
Generalis esse su-  
um Superiorem;  
& præcipit, ut à  
suis Regeſtis era-  
datur Epistol a  
Rmi Torre.

Iaest Fr. Benignus Hubert Commissarius Generalis.  
Fr. Michael Angelus Basset Minister Provincialis.  
Fr. Philippus Ripert ex-Provincialis, & ex-Diffinitor Ge-  
neralis.

Fr. Epiphanius Jean Custos.

Fr. Joannes Franciscus Tremoulet Deffinitor.

Fr. Theophilus Blachas Deffinitor.

Fr. Cherubinus Dumas Diffinitor.

Fr. Rénatus Bihlion Diffinitor, & Diffinitorii Secretarius.

Extractum de verbo ad verbum è libro, in quo continentur  
Actus,



Acta & Decreta Diffinitorii. Massiliæ 6. Novembris 1744.  
Fr. Cherubinus Dumas Minister Provincialis = De mandato  
R. A. Patris Provincialis = Fr. Basilius Maure Secretarius.  
Loco ✕ Sigilli.

## Num. 19.

*Die 27. Octobris 1742. Provincialis Provinciae S. Bernardini, cum tribus suis Diffinitorii Patribus, recurrit Rmo à Laurino pro licentia anticipandi Congregationem.*  
Reverendissime Pater = Jam exoratum Reverendissimam Paternitatem Vestram iterum exoramus nos infrascripti, quatenus dignetur concedere anticipationem Congregationis intermediae; hoc exigit pronunc status rerum, & bonum Provinciae nostrae. Datum Villae novae prope Avenionem die 27. Octobris 1742.  
Fr. Michael Angelus Basset Minister Provincialis.  
Fr. Philippus Ripert ex-Diffinitor Generalis, nec non ex-Provincialis.  
Fr. Epiphanius Joan Custos.  
Fr. Theophilus Blachas Diffinitor actualis.

## Num. 20.

*Die 28. Octobris, Villae novae prope Avenionem die 28. Octobris 1742. = Reverendissimi Patres Reverendissimo Torro recurrunt pro eadem licentia.*  
Villae novae prope Avenionem die 28. Octobris 1742. = Reverendissime Pater. Nos, qui de die 9. Septembris anni praeteriti Capitulum Provinciale celebravimus, cupimus, si fas est, & si placet Rmæ Paternitati Vestrae, item celebrare Congregationem intermediam, quam anticipandam fore judicamus propter urgentia, quae oriuntur, & quae possunt oriri negotia, quibus forte ultra differretur, quam par est, & incommoda multa, quae praevideamus infallibiter evenirent. Itaque consiliis, & prudentiae R. A. Patris Roger Diffinitoris Generalis acquiescentes, ad vestram recurrimus Reverendissimam Paternitatem, quatenus Litteras patentes ad hoc necessarias, nobis concedere dignetur. Novimus plane, nos ipsi esse immediate subiectos; & jure, voluntarieque gloriamur, & volumus, ab ipsa omnino dependere. Speramus à sua bonitate, illam quamprimum nobis tale beneficium praestitutam, & insuper praefatas Litteras patentes ad praedictum R. Patre Roger Diffinitorem Generalem Parisios directuram. Utinam nostri grati animi effectivam significationem pro tanta gratia in vestram utilitatem effundere possimus. Hoc desiderabimus, & pro dierum diuturnitate, ac prosperitate Vota nostra rependemus, qui sumus ea, qua par est, veneratione, sicut & obsequio, Reverendissimae Paternitatis Vestrae, Reverendissime Pater = humillimi, & obsequentissimi Servi, & Subditi.  
Fr. Michael Angelus Basset Minister Provincialis Recoll. Provinciae S. Bernardini in Gallia.  
Fr. Philippus Ripert ex-Diffinitor Generalis, nec non ex-Provincialis.  
Fr.



Fr. Epiphanius Jean Custos actualis.

Fr. Theophilus Blachas Diffinitor actualis.

Sequitur legalizatio facta a P. de Olozaga die 21. Novembris 1744.

Num, 20.

Reverendissime Pater = Litteras patentes, tam gratiose datas, magna cum cordis & gratitudinis effusione recepimus. Jam nunc à Rege approbatas, & sigillo munitas, per Provinciam eas mittere cogitabamus pro citanda nostra Congregatione; cum ex parte Regis ipsiusmet nobis fuit intimata hujus celebrandæ prohibitio, & audivimus Patrem Marcum Antonium Gravois, qui sanè didicit nostrum recursum ad Paternitatem Vestram Reverendissimam, esse auctorem illius prohibitionis. Ad obtinendam revocationem Regii Ordinis subreptitii nihil non agimus; & speramus, mediante Patronis, quos ad hoc instruimus, promptam & plenam satisfactionem. Multum tamen interest, Reverendissime Pater, ut Paternitas Vestra Reverendissima auctoritatem Regis Hispaniarum faciat intervenire apud Regem Christianissimum, qui juxta Decretum Capitulorum Generalium eam pro legitimo Superiore à Gallis ordinet, & præcipiat agnosci, digneturque retundere audaciam Patris Gravois, legitimitatem vestram in omnibus Provinciis vestræ jurisdictionis annihilare contendentis. Insuper Summo Pontifici scribere dignetur Paternitas ipsa Rmā, quatenus à Curia Romana abire jubeat Patrem illum perturbatorem, qui a longo tempore zizania disseminare, & Provincias inquietare non desistit. Si Reges Hispaniarum, & Galliarum, qui ad vestram auctorizationem concurrere debent, talem Patrem pro suspecto non repræsentent, sciendum habeat Paternitas V. Reverendissima, quod semper Provincia vestræ dissentionibus agitabuntur, & nunquam planè debitam ipsi præstabunt obdientiam. Ex parte nostri, nedum ei tamquam unico legitimo Superiori obedire volumus, sed machinas omnes ardentè adhibebimus, ut unusquisque in toto Regno ipsi præstet obsequium, ut par est. Amicitiam nobis conservet benevola Reverendissima Paternitas, suggeratque nobis quid agere debemus contra rebelles, & rebellium commotorem. Sumus etenim ad omnia dispositi, utpote Reverendissimæ Paternitatis Vestræ humillimi, & obsequentissimi Servi, & Subditi.

Sequitur legalizatio ab eodem P. de Olozaga facta,

*Iidem apud Reverendissimum Torrens conquirentur, quod Rex Christianissimus prohibuerit executionem licentiæ obtentæ; hortanturque eundem Rmum, ut apud Summum Pontificem & apud Reges Christianissimum, & Catholicum insitet, pro removendo à Curia Romana Patre Gravois, auctore dictæ prohibitionis.*

Num. 21.

*Tres alii Diffinitorii ejusdem Provinciae Patres certiorant Rmum a Laurino de exilio extra Provinciam à Rege Christianissimo dato tribus Patribus ex iis quatuor, qui ad Reverendissimam Torre recursum fecerant.*

Masiliæ die 29. Martii 1743. = Reverendissime Pater = No-  
verat jam Paternitas Vestra Reverendissima, quibus affli-  
ctabatur malis Provincia vestra S. Bernardini, quin & su-  
per his ingemuerat, dum eam præsentia sua, è Capitulo  
Generali rediens, condecoravit. Efficacius ipsis afferre re-  
medium non poterat, quam ut eorundem malorum aucto-  
res, & quasi fautores eliminarentur. Hæc erant omnium  
proborum Religiosorum vota, qui sub dura nimis, & quæ  
secundum Deum non erat, disposita dominatione ingemi-  
scientes, ea, quæ sunt Regulæ nostræ, vix, ac ne vix quidem  
observare valebant. Hoc nobis tandem remedium attulit  
providentia divina, quæ nunquam patitur nos tentari supra  
id quod possumus. Nostræ igitur obligationis esse putamus,  
Paternitatem V. Reverendissimam certiorum facere, quod  
Rex noster Christianissimus, malis Provinciæ vestræ jam  
periclitantis occurrere volens, R. A. P. Philippum Ripert  
ex-Provincialem, R. P. Epiphanium Jean Custodem, &  
V. A. P. Theophilum Blachas Deffinitorem in alias Galliæ  
Provincias, Patrem scilicet ex-Provincialem in Provinciam  
Burdigalensem, P. Custodem in Provinciam Tolosanam,  
& P. Deffinitorem in Provinciam Aurelianensem, auctori-  
tate sua oblegaverit. Mirabitur sanè Paternitas V. Reveren-  
dissima, quod eò usque oblivionis devenerit R. A. P. Phi-  
lippus Ripert, ut auctoritatem vestram respuens, ad Com-  
missarium Familiæ recurreret, ut contra quod prohibue-  
ratis, Congregatio nostra celebraretur. Hoc jam prohi-  
buerat per Edictum Consilii sui Rex noster Christianissimus,  
quibus non obstantibus, jam Patentes Litteræ ab ipso Com-  
missario Generali obtentæ fuerant, & in Curia Tolosani  
Parlamenti homologatæ. Tamen inauditum agendi modum,  
ferre non potens Curia Galliæ, eundem R. A. P. Philippum  
Ripert, & ejus asseclas procul hinc in exilium misit, ut ibi  
temeritatis suæ poenas luerent. . . . . Fr. Marcus An-  
tonius Aubert Theologiæ Lector, Provinciæ Pater = Fr.  
Cherubinus Dumas Theologiæ Lector, & Deffinitor = Fr.  
Renatus Bihion Theol. Lector, & Deffinitor.

Num. 22.

*Respondet Reverendissimus à Laurino præcedenti Epistola.*

RR. PP. = Vestras de die 29. Martii datas recepimus Litteras.  
Summoperè dolebamus de malis, quibus nostra Provincia  
S. Bernardini afflictabatur. In Domino confidimus de ve-  
stra religiositate, & regularitate pro eradicatione abusu-  
um, quibus undique scatet. Ægrè accepimus agendi modum  
R. P. Ripert, recurrentis ad Reverendissimum P. Commis-  
sa-



sarium Generalem Familiæ pro celebratione vestræ Congregationis, contra jus nostrum, & prohibitionem, quam miseramus de non accelerare ipsam. Nunc factorum suorum poenas luet. Die 19. Aprilis 1743.

Rme Pater. = Vestrum, quo de die 7. Decembris proxime elapsi, dignatur Reverendissima P. V. me honorare, responsum accepi, in quo his duobus verbis, *nihil innovetur*, totam solvit difficultatem, quæ posset oriri inter Reverendissimum P. Commissarium Generalem & nos; hoc enim totum nos prætendimus, *ut nihil innovetur*. Vestri Recollecti Galli, præ veneratione & reverentia semper ita fuerunt suo Generali addicti, & subiecti, ut ab ejus auctoritate *immediata* nequaquam voluerint separari: quod fuit practicum à prima suæ Recollectionis erectione usque in hodiernam diem, *nec usquam interruptum*; & hoc juxta Bullas Summorum Pontificum, præsertim juxta Bullam Greg. XIII. datam Romæ 3. Junii 1579. quæ incipit: *Cum illius vicem* = in qua ait, *Generalis Minister tantum*, minimè autem alii dictorum Fratrum de Observantia Prælati, aut Commissarii, in dictos Reformatos jurisdictionem, visitandique & corrigendi facultatem habeat: quod & Clemens VIII. declaravit, repetendo prædictam Bullam in sua = *Pro injuncti nobis*, data Romæ 26. Martii 1601. quas Bullas confirmavere Paulus V., Gregorius XV., Urbanus VIII. &c. Et juxta eas condita sunt Statuta nostra municipalia, sic auctoritate Regia munita, & in supremis Regni Curiis conscripta, ut qui tentaret aliquid contra moliri, certè non permetteretur. Commissarius Generalis nequidem *unicum* jurisdictionis actum circa nos aliquando exercuit, etiam post *Capitulum Vallisoletanum*, in quo ex Provincia nostra, & ex quatuor aliis Provinciis nostræ nationis nullus adfuit; & compromisso istius Capituli ad nostros relato, obligati sunt jussu Regio, dato San-Germiani in Laya 18. Julii 1670. ad Summum Pontificem appellare, & *compromissum pro nihilo habere*. Deinde constat, nos non habuisse unquam nisi Commissarios ex Reformatione, & natione nostra *ab ipso duntaxat Ministro Generali* missos; & delegatos pro visitandis Provinciis, & Capitulis nostris celebrandis. Videbam nuper Commissionem Reverendissimi P. Bonaventura à Pœrio, consignatam à R. A. P. della Torres Secretario, qui perquam optimè noverat jura Commissarii Familiæ, quæ si fuissent circa nos, proculdubio sustinuisset; cum præsertim Commissarius Generalis, pro tunc esset suæ nationis. Concurrimus equidem in ultimo Capitulo ad ele-

Num. 23.

*Epistola Provincialis Provinciae S. Dionysii anno 1724. ad Reverendissimum Generalem à S. Laurentio scripta, circa prætensionem, quam tunc habuit Commissarius Familiæ.*



electionem illius Reverendissimi Patris, & in hoc secuti sumus viam patrum nostrorum, qui & ita processerunt in quolibet Capitulo, & secundum usum Ordinis concurrunt ad electiones hujusmodi. Ex his constabit P. V. Reverendissimæ, nos pleno & perseveranti jure recurrere ad Reverendissimam P. Vestram *pro quolibet*, & sic speramus non ægrè laturam, si exposulaverimus, ut quæ sunt intimanda, velit per Secretarium suo nomine approbatum nobis intimare; & iterum atque iterum repeto, nos ad obedientiam promptos & paratissimos experietur; finem faciens deprecor paternam vestram benedictionem. Sum & manebo semper cum omni reverentia, & filiali submissione: Versallis 17. Januarii 1724. P. V. Reverendissimæ = humillimus, & obsequentissimus filius, & servus Frater Julianus Guesdron, Provincialis Recoll. Provinciæ S. Dionysii in Francia.

Num. 24.

*Alia Epistola à P. Saturnino Dirop Recollectorum Diffinitore Generali, eodem anno, Et ad eundem Reverendissimum à S. Laurentio pariter Scripta.*

Reverendissime Pater = Quod in negotio de immediata Reverendissimæ P. Vestræ subjectione nostra adhortatur peragere, quidquid pacis & unitatis amor postulat, suæ benignitatis est, & affectus verè paterni. Quod autem libello supplici super hac causa sibi porrecto subscripsit, ut *nihil innovetur*, sapientiæ suæ præjudicio totam rem confecit. Nihil enim aliud nostrates cupiunt, nihil petunt, quàm ut nulla superinducatur novitas suis Institutis, Summorum Pontificum Constitutionibus, maximè Gregorii XIII. in Bulla, quæ incipit (*Cum illius vicem*) & Urbani VIII. in illa, quæ incipit (*Pro injuncti nobis*) sancitis, & Regia auctoritate firmatis. Neque verò à viginti tribus annis, qui inter duo Capitula Romana effluxerunt, jus nostrum defuimus; totum illud temporis spatium, quam longum est, pro simplici Sexennio computetur, & ad præcedens sistema redeatur, per nos licet; & nobis favet, qui Reverendissimis Patribus Matthæo à Sancto Stephano, Bonaventura Pœrio, Petro Sormano, & omnibus retrò Ministris Generalibus e familia Cismontana assumptis paruimus, ut ex Archivis Ordinis constare potest. Certè nostra plena sunt eorum Litteris Encyclicis, & Patentibus pro deputatione Visitatorum in nostris Provinciis. Quin & V. Rm̃a Paternitas me indignum, & alios Commissarios pro simili visitatione in ipso nuperi Capituli processu, & exinde destinavit ipso Reverendissimo Patre Commissario Familiæ præsentē, & utpotè jurium nostrorum usumque gnaro, non reclamante. Ab ejusdem manus auctoritate Commissarios Visitatores, & Epistolas Circulares recipimus. Neque etiam ad Capitulum Generale Vallisoletanum de anno 1670.

referendum est &c. Diffinitorius Generalis inter Recollectos exordium, sed ab altiori origine repetendum, ab anno scilicet 1625., quo fuit factum super hoc Decretum, & ab anno 1633., quo executionem obtinuit: ex quo tempore usque ad presentem diem nunquam, aut vix, defuit unus Diffinitor Generalis Recollectus. In his tamen Capitulis, Romano 1625., & Toletano 1733. nulla fit mentio subjectionis nostræ Commissario Generali Familiæ. Quod si hæc conditio in Decretum Capituli Vallisoletani irrepfit, illi non assenserunt nostræ Provinciæ, quarum paucae huic Capitulo intererant. Unde ab illo Decreto Capituli Generalis de expresso Regis mandato appellaverunt ad Summum Pontificem, & ipsum executione omnino caruit, ita ut Reverendissimus Pater Franciscus Maria Rhini à Politio Minister Generalis, in eo Capitulo electus, non solum in Francia, cum ibi esset Commissarius Apostolicus, sed etiam post suum in Italiam reditum, omnem in nos jurisdictionem immediatam exercuerit, quam à Reverendissima P. Vestra præstolamur. Illi proinde minime mirum videri debet, quod omnes nostri una voce reclamaverint, licet unanimiter ad electionem Reverendissimi Patris Commissarii Generalis Familiæ concurrerint; ita enim in omnibus Capitulis factum est, & in ultimo Victorienfi, memini, me ad similem electionem convenisse; & tamen, illa peracta, omnes & singuli Reverendissimo Patri Bonaventuræ Pœrio, quoad subjectionem immediatam, adhæsimus. Hæc breviori stilo (quæ forte alii fusiori) Reverendissimæ P. Vestræ rescribere debui, quæ & benigno favore excipiat, & paternam impendat benedictionem, humiliter deprecor. E Conventu Vestro Cuburii ad Montem Relaxum die 28. Januarii 1724. Reverendissimæ P. Vestræ = obsequentissimus Filius, & humillimus Servus = Fr. Saturninus Diröp, ex-Minister Britannicæ, Diffinitor Generalis.

Præsentes copias, quarum prima incipit *Reverendissime Pater: Vestrum &c.* & desinit: *Provincia S. Dionysii in Francia*; secunda vero: *Reverendissime Pater = Quod in negotio &c.* desinit: *Exminister Britannicæ Diffinitor Generalis*. Concordare de verbo ad verbum cum originalibus Litteris, quæ asservantur in Archivio Generali Ordinis Conventus Ara-cœlitani, testor ego infra-scriptus ejusdem Archivi Custos hac die 12. Julii an. 1745.

F. Antonius Maria de Mediolianno = Archivii Generalis Custos.

Extractum Epistolæ a R. P. Anselmo Vezy Ministro Provinciæ  
 Ti Recollectorum Provinciæ Sanctissimi Sacramenti die 27.  
 Februarii 1744. scriptæ.

Num. 25.

*Quid exonerit  
 circa tres Reli-  
 giosos Provinciæ  
 Sanctissimi Sacra-  
 menti, quibus  
 Reverendissimus  
 Soto licentiam de-  
 derat transendi  
 ad Provinciæ  
 Aquitanie re-  
 centioris.*

Anno 1724. litem habuimus cum Observantibus Provinciæ  
 Aquitanie recentioris, occasione translationis apud ipsos,  
 tribus nostris Religiosis concessæ à Reverendissimo Soto  
 Commissario Familiæ, Pater Delom, tunc temporis Provin-  
 cialis dictæ Aquitanie Provinciæ, coactus fuit memoratos tres  
 Religiosos nobis restituere, qui ab illo tempore apud nos  
 remanserunt, & remanent. Invenire non potui Litteras,  
 tunc scriptas Reverendissimo à Sancto Laurentio, nec ejus-  
 dem Reverendissimi responsa, sed inveni duplicatum cu-  
 jusdam Memorialis super hoc negotio, nomine Provinciæ  
 nostræ præsentati Illustrissimo Domino de Laurilliere, qui  
 erat Minister Regis.

## A D D I T I O

*Gratiarum actiones, quas Vocales Recollectorum Gallie  
 Rmo Patri Generali in Scriptis præsentarunt, ob  
 Decisionem Cause de qua agitur.*

Reverendissimo Patri P. Raphaeli à Lugagnano totius Ordinis  
 Fratrum Minorum S. Francisci Generali.

Reverendissime Pater = Infrascripti, decem Recollectorum  
 Gallie Provinciarum Vocales, Paternitatis Vestræ Reve-  
 rendissimæ humillimi Subditi, filiiq; obsequentissimi, ea  
 qua par est veneratione, & reverentia, profundissimas ite-  
 rum, atque iterum ei rependunt gratias, pro tot ab ejus  
 paternali benignitate, tam à se, quam à dictis suis Provin-  
 ciis, receptis beneficiis, ac inter alia, pro Sententia favore  
 ipsorum anno 1745., de Mandato Sanctitatis Sux, contra  
 Reverendissimi Patris Commissarii Generalis Familiæ præ-  
 tentiones, lata, & pronuntiata, quæ in omnibus dictis Pro-  
 inciis unanimi omnium, & singulorum Patrum gaudio,  
 & exultatione fuit recepta, & à Regiis Majestatis Sux Chri-  
 stianissimæ Ministris Summoperè collodata, & approba-  
 ta. Nec mirum, ipsa enim in omnibus, & per omnia con-  
 formis existit, tum Constitutionibus Apostolicis Grego-  
 rii XIII., & Clementis VIII., pro dictarum Provinciarum  
 sælici, prosperoque gubernio emanatis, in quibus expressè  
 præcipitur, ut solus Minister Generalis eisdem regere de-  
 beat, & gubernare; tum municipalibus ipsarum Statutis,  
 in qui-



in quibus dictæ Constitutiones inferuntur; tum & continuæ  
 praxi gubernii earundem Provinciarum; à centum enim  
 & quinquaginta annis, nullæ inveniri poterunt Congrega-  
 tiones, nullaque Capitula auctoritate Commissarii Generalis  
 Familiæ celebrata: imò nec ullus ad eosdem recursus (exce-  
 ptotamen illo; adeò irregulari, anni 1742.) ex parte vel  
 Provincialium, vel Diffinitorium Provinciarum. Quapro-  
 pter tam pro Vestra Reverendissima Paternitate, quam pro  
 RR. AA. Patribus, memoratæ Causæ Conjudicibus preces  
 ad D. O. M. effundere non cessabimus. Dat. in hoc vestro  
 S. Mariæ de Araceli Conventu hac die 7. Maii anni 1750.  
 Fr. Michael Angelus Izuölen Provincialis Britannia.  
 Fr. Stephanas le Goff Custos, & Pater Provinciæ Recoll.  
 Britannia.  
 Fr. Renatus Bilhion Minister Provincialis S. Bernardini in  
 Gallia.  
 Fr. Paulus Beauchamps Custos ejusdem.  
 Fr. Tiburtius Barat Minister Provincialis Provinciæ S. Dio-  
 nysii in Gallia.  
 Fr. Emmanuel Duprez Minister Provincialis Provinc. S. An-  
 dræ in Belgio.  
 Fr. Angelus Laurent Custos ejusdem Provinciæ.  
 Fr. Benignus Hubert pro Secunda Vice-Provinc. S. Mariæ  
 Magdalena Minister.  
 Fr. Martinus Lambert Custos ejusdem Provinciæ.  
 Fr. Alexander Delaforge pro tertia Vice-Minister Provin-  
 cialis Provinciæ S. Francisci in Gallia Recollectorum.  
 Fr. Benignus de Villaret ejusdem Provinciæ Custos.  
 Fr. Andrianus Gouzot Minister Provincialis Prov. Sanctissi-  
 mi Sacramenti in Gallia.  
 Fr. Amadæus Audibert ejusdem Provinciæ Custos.  
 Fr. Valentinus Desmarets Provincialis Provinciæ S. Antonii  
 in Artesia.  
 Fr. Franciscus Daniel Gricourt Custos ejusdem Provinciæ.  
 Fr. Henricus Tousfaint Provincialis S. Nicolai in Lotha-  
 ringia.  
 Fr. Bernardino Barbafon Custos ejusdem Provinciæ.  
 Fr. Florentinus André Pro-Minister Provinciæ Immaculatæ  
 Conceptionis Recollectorum in Gallia.  
 Fr. Marcellinus Girault Custos Provinciæ S. Dionysii in  
 Gallia.

Deest solummodo Subscriptio Custodis Provinciæ Im-  
 maculatæ Conceptionis, qui, ob infirmitatem, ad Capitu-  
 lum non accessit.







